



सानसेयारि **“बड”सा’** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
खल’, खल’बाथा आरु दावबायारि थावनि, पार्क
बाइदिनि स्थायाव लिन्नाय लिन्बिदां दैथाय हन्/
सानसेयारि **“बड”सा’** ख्रीर्लाइया स्वेबस्त्रानावै
फोस्वगोन/
बड’सायाव लिन्हन्नायनि हुडा खलाम,
“बड”सा’ ख्री नोथां, जौ बयबो आंगो खलाम/
सानसेयारि ‘बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodasanewspaper.com

BODOSA ★ A Bodo News Daily ★ Wednesday ★ 28 May, 2025 Kokrajhar, BTC, Assam ★ Vol.-35, Issue No.63 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

चिरांआव गोदानै लुफुंजाबाय चिरां जिल्ला जोबथेसालि 21 जुनआव गिबि मन्थि ड हिमन्त बिश्व शर्माआ बेखेवगोन

बड’सा थान्दै/बिजनी, 27 मे:
चिरां जिल्लानि गाहाइ मावख’
क।जलगावआव गोदानै
लुफुंजाबाय जिल्ला जोबथेसालि।
राइज्योनि गेजेरावनो गंसे समायना
आरो गासैबो सुबिदा गोनो गोदान
मुगानि जोबथेसालिया चिरां
जिल्लायाव लुफुंजाबाय। गोदानै
लुजानाय जिल्ला जोबथेसालिखौ
गिबि मन्थि ड हिमन्त बिश्व
शर्माआ नेमखान्थि बायदियै फैगौ
21 जुनआव बेखेवगोन। खमैबो
65 कौटिसो रां बाहायनानै
लुजानाय बे जोबथेसालियाव सा




636 कैदिफोर दोननायनि खाबु दं।
राइज्योन जेल, हम गार्ड, लेबार
मन्थि रुपेश गवालाआ दिने गोदानै
लुजानाय जिल्ला जोबथेसालियाव

दावबायनानै गासैबो थासारि आरो
आबहावनि खौरां लायो। मन्थि
बिथाड बे गोदान मुगानि जिल्ला
(□ 6 बिलाइआव)

उदालगुरि जिल्लानि पेनसन सनमान बान्था मोन्नाय सा 6 महरगिरिफोरनो फोरमान बिलाइ गथायदों मन्थि पिजुस हाजरिकाया अरुण’दयआ गिबि मन्थि ड हिमन्त बिश्व शर्मानि मोनसे फोथायजाथाव बिथांखि: पिजुस हाजरिका

उदालगुरिनिफ्राय सोरांसार
बाग्लारि, 27 मे: उदालगुरि
जिल्लाआव सानैनि हाबाफारिजों
दावबायफैनायनि दिने नैथि सानाव
उदालगुरि जिल्लानि बिगोमा मन्थि
महरै अरुण’दय 3.0 नि
मावफुंनायखौ रोखा खलामनो
थाखाम जिल्ला बेंगिरिनि
मावखुलियाव कमिटिनि
सोदोमाफोरजों दै सम्पद बिफाननि
मन्थि पिजुस हाजरिकाया मोनसे
सावराय मेलआव बाहागो लादों।
आसाम सरकारनि फोथायजाथाव
बिथांखि अरुण’दय 3.0 खौ



मावफुंनायनि गेजेरजों रोखा
खलामनो थाखाय मोनफ्रोमबो
जिल्लायावनो जिल्ला थाखोनि
नायगिदि आफाद (डिएलएमसि)
दानाय जायो। दिनेनि बे सावराय
जथुमाव आइजोफोरनि गोहोखौ
बां होनाय, निखावरि
फोजोबस्त्रानाय, आरो रांखायथियारि
बिथिंखौ जौगा होनाय थांखिजों
आसाम सरकारआ लानाय बे
जौगालु बिथांखिफोरनिफ्राय
मोनथावना मुलाम्फागिरिया जाहाथे
थालाड, बेनि थाखाय
(□ 6 बिलाइआव)

जौगाखानाय आबाद बिथांखि मिसननि साखा फारा, रथ दावबायनाय हाबाफारि खुंफुंगोन

गसाइगाव, 27 मे: मिरु सरकारनि आबाद आरो आबादआरि अनसाइ
बिफान आरो भारतआरि आबाद बिजिसं गौथुमनि बान्जायनायाव
हादरनाडै फैगौ 29 मेनिफ्राय 12 जुनसिम जौगाखानाय आबाद बिथांखि
मिसन खुंनाय जागोन। हादरनाडैजों लोगोसे लोब्बा लानानै आसामनि
कक्राझार जिल्लायावबो मोनसे समावनो जौगाखानाय आबाद बिथांखि
मिसनखौ खुंनाय जागोन। हादरनि गाहाइ मन्थि नरेन्द्र मदिनि ‘लेव तु
लेण्ड’ मोथोरखौ मोगथाडारि महर (□ 6 बिलाइआव)

मेथाइ खनगिरि रुंसारि भानुमति बांसियारिनि गोजोन जिउमानि थाखाय आलारि बाथि फोजोनानै आर’ज खालामदों



बड’सा थान्दै/मुसलपुर, 27 मे: बाक्सा जिल्लानि सदर मुसलपुरआव
थानाय कालसारेल कमफ्लेक्सआव मुसलपुर जिल्ला बड’चिने आर्टिस्ट
एस’सियेसन, बाक्सा जिल्ला दुलाराय बर’हारिमु आफाद आरो बाक्सा
जिल्ला एबसुआ बावैसो बेरामजों नाखेब जानानै रुंसारि जालानाय मेथाइ
खनगिरि भानुमति बंसियारि बिथानि सोरगोआरि जिउमानि गोजोननि
थाखाय मोनाबिलिनि 6:30 रिंगायाव खौसेयै आलारि बाथि सावनानै
इसोरनिसिम आर’ज खालामदों। बे आलारि बाथि सावनाय हाबाफारिआव
मिरु बि सि ए ए नि लेंडइ आफादरि दिपक कुमार रामसियारि बाहागो
लानानै आलारि बाथि सावजेनो। बेनि उनावनो फारि-फारियै बे आलारि
बाथि सावनाय हाबाफारिआव बाहागो लानाय गौथुमफोरनि दैदेनगिरिफोरा
बिथानि सोरगोआरि जिउमानि थाखाय (□ 6 बिलाइआव)

टंला नोगोर आफादनि गोदानै बिसायख’ जानाय मासिगिरिनो बिबान गथायबाय

उदालगुरि, 27 मे: बिटिआर
ओनसोलनि गुबुन मोनसे गोजाम
फालांगियारि नोगोर टंला नोगोर
आफादनि मासिगिरिनि मासियाव
गोदानै थिसनजानाय फालांगिरि,
बारस’फरायसा दैदेनगिरि आरो सासे
समाजआरि सांग्रांथिगिरि कमल
चौधुरीआ मैया समबार खालि
समायखिरा लाबाय। टंला नोगोर
(□ 6 बिलाइआव)



कक्राझारआव आइजो फुटबल सेम्पियनसिपनि गिबि सेमिफाइनल मेच एभालेन्स स्पर्टस क्लाबआ 8-0 गलजों खेल’ इण्डिया क्लाबखौ फेजेन्नानै फाइनलआव

कक्राझार, 27 मे: कक्राझारनि खान्थालगुरि साइ फोरेंथाइ मिरुनि
स्टेडियमआव कक्राझार जिल्ला गेलेमु आफादआ आइजोफोरखौ फुटबल
गेलेनायाव मोबां खाबु होनारनि थांखियै खुंनाय थामथि खेबनि आइजो
इन्टर-क्लाब फुटबल सेम्पियनसिप 2025 नि दिने गिबि सेमिफाइनल
मेच खुंनाय जायो। मख’नो गोनांदि, कक्राझार जिल्ला गेलेमु आफादनि
बान्जायनायाव खुंनाय दिनेनि गिबि सेमिफाइनल मेचखौ एभालेन्स

स्पर्टस क्लाब आरो खेल’ इण्डिया फुटबल क्लाबनि गेजेराव खुंनाय
जायो। बे सेमिफाइनल मेचखौ एभालेन्स स्पर्टस क्लाबआ खेल’ इण्डिया
फुटबल क्लाबखौ 8-0 गलजों फेजेन्नानै फाइनलनि थाखाय जायगा
मोनो। बे सेमिफाइनल मेचआव एभालेन्स स्पर्टस क्लाबनि जानानै
लाइखुंनि कचआ फारियै 30, 57 आरो 78 मिनटआव गरथाम गल
सोनो हायो। बेराफारसे पखिला (□ 6 बिलाइआव)

कक्राझार, 27 मे: देग्लायनि
2025 ई माइथायनि मेट्रिक
आन्जादआव दख’रानि सिङव
बाथि सारिआव जायगा आवग्रिनो

फोरेंगिरिआलाइस्त्रि
औवारीआ जोबथा हां बोबाय,
चौताकी फोरेंगिरि
मिरुनिफ्राय दुखु फोरमायदों

बासुगाव, 27 मे: कक्राझार
सोलोंथाइ खोन्दो (तितागुरि)नि
सिङव थानाय लाथागाव गुदि
फरायसालिनि लोगो फोरेंगिरि
(□ 6 बिलाइआव)



हानाय सा 5 फरायसुला-
फरायसुलिफोरखौ बरायनायजों
लोगोसे मान बाउदों बनरगाव
दख’रा दुलाराय बर’ फरायसा

उदालगुरियाव बि जे पि दोलोनि गेदेरथार जयनिं हाबाफारि बि टि सिनि मोन 40 बियाबावबो बि जे पि आ बिजाथि फसंगोन: दिलिप सइकिया

उदालगुरिनिफ्राय सोरांसार
बाग्लारि, 27 मे: पन्चायत
बिसाइख’थिया जोबनानै थानाय
लोगो-लोगो हायुडारि आरो
ओन्सोलारि राजखान्थि हान्जानि
नोजोरा बे खेबआव बि टि चिनि
बिसाइख’थिनि सायाव नोजोर।
दासिमाव बिसाइख’थिनि समखौ
रोखायै फोसावनाय जायाखैब्ला
सेप्टेम्बर दानाव खुंफुंजानायनि
खौराड गोसारनाय लोगो-लोगोनो
राजखान्थि हान्जाफोरनि गावबा-
गावनि हान्जानि बिथाखौ गोखोंसिन

आफादआ। फरायसाफोरनो गुन
गोनां सोलोंथाइ लानो गोसो
थुलुंगाहोनायनि थांखिजों दुलाराय
बर’ फरायसा आफादआ
बोसोरफ्रोम्बो बर’ बिजोंजों
फरायनानै मेट्रिक आन्जादआव
उथिसार जानो हानाय फरायसुला-
फरायसुलिफोरखौ बरायनाय आरो
मान बाउनाय हाबाफारिखौ
मावफुंनोबाय थादों। बेबायदिनो
दिनेबो कक्राझार जिल्ला एबसुनि
बेन्दोडव थानाय बनरगाव दख’रा
(□ 6 बिलाइआव)



खालामनाय, हान्जायाव गोदान
(□ 6 बिलाइआव)

गलादाखी गुदि फरायसालिनि बारग’ गाहाइ फोरेंगिरि आरो मोनसे
समनि गसाइगाव जिल्ला बर’ थुनलाइ आफादनि गोखों मावथि एबा
बारग’ आफादरिगिरि रेनजेन्द्र’ नाजरीआ बे बुहुमाव गैलिया

गसाइगाव, 27 मे: गलादाखी गुदि
फरायसालिनि बारग’ गाहाइ
फोरेंगिरि आरो मोनसे समनि
गसाइगाव जिल्ला बर’ थुनलाइ
आफादनि गोखों मावथि एबा
बारग’ आफादरिगिरि रेनजेन्द्र’
नाजरीआ रुंसारि जाबाय।
गसाइगाव महकुमानि सिङव
(□ 6 बिलाइआव)



बिटिसि बिसायख’थिखौ लानानै इउपिपिएलआ दरफ्रोमबो जिल्लाआव दोलोआरि मावबादा खुंदों

बिसायख’थिनि थियारि जानाय इउपिपिएलनि खाथिआव मोनसेबो हेंथा गैया : प्रमद बर’

कक्राझार, 27 मे: फैगौ बिटिसि
बिसायख’थिखौ लानानै
बड’लेण्डआव राजखान्थि
दोलोफोरनि गेजेराव दासान्दि
साखा-फारा सोलिगासिनो थानाय
समनि गेजेरावनो बिटिसि खुंथाइ
दोलोआव थानाय इउपिपिएल
दोलोआ फैगौ बिसायख’थिखौ
(□ 6 बिलाइआव)



बिटिसि मथनगुरि बियाबआव अगप’नि बिसायख’थियारि सांग्रांथि मेल

अगप’ दोलोआ बिटिआर बिसायख’थियाव दर 10
मासिस्वाव बादायलायगोन: अपुबं कुमार भत्ताचार्य

भबानिपुर, 27 मे: बाक्सा जिल्ला सालबारि महकुमानि सिङव थानाय
मथनगुरि गौथुमारि बियाबआव असम गन’ परिषद (अगप)दोलोनि
माखासे मिरु दैदेनगिरिफोर दिने बिटिआर बिसायख’थि फोसावदिनायखौ
जागायजेनबोबाय। मख’नो गोनांदि, मथनगुरि गौथुमारि बियाबनि
लाबदांगुरि जुथाइ मेल जथुमसालियाव अगप दोलोनि सा-अभायापुरि
बिधान सभा बियाबनि बारग’ एमएलए भुपेन रयनि आफादगिरि मासि
सामलायनायाव खुंनाय अगप’नि बिसायख’थि सांग्रांथियारि मेलआव
अगप’नि मिरु लेडाइ आफादगिरि अपुबं कुमार भत्ताचार्य आ ‘कंग्रेस’
दोलो आरो ‘राइजर दल’ दोलोनि एमएलए अकिल गौखौ थांखिनानै
गोखों सांखारिनायजों बिबुथि लाखिदों। (□ 6 बिलाइआव)

मुसलपुराव अबर’ सुरक्षा समिति, आसामनि खौरांगिरि मेल बिटिसि बिसायख’थियाव दर 15 बियाबआव अबर’ सुरक्षा समितिआ बिजाथि फसंगोन

बरिमाका, 27 मे: सोलिफु
बोसोरनि फैगौ सेप्टेम्बर दानाव
खुंजानो गोनां बिटिसि
बिसायख’थियाव दर 15
बियाबआव अबर’ सुरक्षा समिति,
आसामआ बिजाथि फसंगोन। दिने
बाक्सा जिल्लानि सदर मुसलपुराव
मोनसे खौरांगिरि मेल खुंनानै बे
बाथ्राखौ आफादआ मिथिहोदों।
(□ 6 बिलाइआव)



उदालगुरि जिल्ला कचराजबसि आफादनि गाहाइ मावखुलि चिलाराइ भवन लुफुंनो अन्थाइ खाम्फा बेखेवदों मन्थि पियुष हाजरिकाया

उदालगुरिनिफ्राय सोरांसार
बाग्लारि, 27 मे: उदालगुरि
जिल्ला कचराजबसि आफादनि
गाहाइ मावखुलि चिलाराय भवन
लुफुंनो अन्थाइ खाम्फा बेखेवदों
राइजोनि दै सम्पद बिफाननि मन्थि
पिजुस हाजरिकाया। कसराजबसि
परिषदनि जुनिया रांबावजानि
गेजेरजों बे भवनखौ लुफुंनाय
जागोन। मन्थि हाजरिकाया बे



हाबाफारियाव बाहागो लानानै
बिबुथि लाखिना बुजेदि,
जिल्लायाव हारिनि थाखाय
गोबांसिनथार जौगानाय लाबोनो
थाखाय बे भवनआ मैखोमै बिफाव
लागोन। बिथाड मख’बावोदि,
गिबि मन्थि ड हिमन्त बिश्व
शर्मानि दैदनायजों राइज्योन
मोनफ्रोमबो हारि हारिसानि
(□ 6 बिलाइआव)

डिंकनि सिगां सुबुंफोरा मानो “चियर्स” होन्नानै बुडो ?

आथिखालाव जों बांसिनै मोनसे आखुखौ मोन्नो मोनसैदि, सुबुंफोरा कपि काप एबा बियार गिलासखौ लोंनायनि सिगां ‘चियार्स’ होन्नानै फोनांजाबो आरो बेनिफ्राय लोडो। फैगौ माखासे बोसोराव बेयो ट्रेन्ड एबा मोनसे हुदा जानानै फैगोन। नाथाय सोंथिया जादों सुबुंफोरा मानो चियार्स होन्ना बुडो, बेयो मोनसे समाजआरि खान्ति नामा आरो नडबा बेनि गुबुन ओंथि दड नामा ? बेबायदि चियार्स बुंलायनायनि बागै जोबोर खम सुबुंफोर मिबथिगौ। नाथाय बेनि आन्दोआव मोनन्नै जाहोन दड, जायखौ खोनानानै मिनिनो आरो सोमोनांनो हागौ। बेनि जाहोनखौ मिबथिनायनि सिगां चियार्स सोदोबनि जारिमिननि बागै मिबथिनाया गोनां। रिपर्टनि बायदिब्ला, चियार्स सोदोबा गोजाम फ्रान्स सोदोब ‘चिएरे’ निफ्राय फैदों। बेनि अंथिया महर, मोखां एबा खर’। 18थि जौथायनि जोबनार्यथिं बे सोदोबखौ खुसि जानाय आरो थुलुंगा होनाय महरै बाहायनो हमो। अदेबानि आथिखालाव बे सोदोबखौ जौ लोंनायनि सिगां रंजा-बाजा आरो गाहाम हामलायथि होज्जलायनायाव बाहायनो हमो। लोगोफोरजों



पार्टि खालामनाय एबा नख 'रनि जानाय जेरावबो चियार्सआ मोनफ्रोमबो खाबुखौ मुजिथावसिन खालामो। बेनि आन्दोनि जाहोना जादों- 1. गोदेनि समाव बिष होनानै बुथारनाया सरसनस्त्रा बाशामोन। सुबुंफोरा गोबारै गिलासखौ सौग्रावहोना चियार्स होन्ना हखावोमोन, जाहाथे गंनै गिलासनि लोंग्रा मुवाया गावजों गाव गोरोबो। बेनिफ्राय बेखौ फोथायनाय जायोमोनदि डिंक एबा लोंग्रा मुवायाव जेबो बिष गलायनाय गैया, मानोना गावजों गाव सोलायनानै लॉलायदों। जाय खान्थिया बै समाव

सांग्राथिखौ दिथियोमोन बेयो आथिखालाव ट्रेट जानानै फैबाय। 2. सुबुंहा गाहायै मोन 5 इन्द्रिय दड। मेगन, खोमा, गन्थ, बिगुर आरो सालाय। बेफोरनि गेजेराव मेगनजोंबो नुयो, सालायजों स्वाद लानो हायो, गन्थजों मोनामसुनो हायो, दांनायना मोनो। नाथाय खोमाजों खोनाया। बेनिखायनो गोबारै गिलासखौ सौदावहोना चियार्स होन्ना बुडो। 3. गेजेर मुगायाव सुबुंफोरा गनायोमोनदि, गोबारै गिलास सौग्रावहोनाय आरो चियार्स होन्ना बुंनायाव गाजि आत्माफोरा खारो। खायसे

सुबुंफोरा चियार्स होन्नायनि उनाव लोंग्रा मुवाखौ इसे हायाव लुना गारोमोन, जाहाथे गाजि आत्माफोरा बेखौ लोंनानै बेनिफ्राय थाडो। 4. खायसेया बुंदों चियार्स होन्ना गिलास सौग्रावहोनाया गोजाम मुवानि बुलि होनाय खान्थिजों सोमोन्दो दड। सुबुंफोर जौ एबा इसोसो बाडवोमोन, जाहाथे हबिला हास्थानायफेर आबुंजायो। चियार्स ओंथिया बै समाव ‘गोलाव जिउ’ एबा गाहाम सावस्त्रिनि थाखायमोन। बे खान्थिया आथिखालाव टस्ट महरै सोलिगासिनो दड जेखेसुंमेसमोजां जिउनि थाखाय आरज’गाबो □

फिसा मुवा सेफ्टीपिनआ मा मा खामानियाव होयो मिबथिनो गोनां



नुनायाव फिसा-सा सेफ्टीपिनआ जोंनि गोबां खामानियाव बाहायजायो। बेजों माखासे गिदिदर खामानिफोरखौबो गोरलैयैनो मावनो हानाय जायो। बांसिनै बेखौ सारियाव थेबनायाव एबा बबेबा गिजि सिखौ थुथाबनायाव बाहायनाय जायो। बेखौ 1849 आव भल्टार हान्टआ दिहुन्दोंमोन आरो बियो

बेखौ गावनि आंगो बिसिनि थाखाय बानायदोंमोन। सेफ्टीपिननि मोन 5 मिबथिनो गोनां हेक्सनि बागै गाहायाव होनाय जाबाय- 1. हायथाग्रा महरै: उन्दै गथ ‘फोरा रुमालखौ थाबेनो खोमायो एबा बबेयावबा दोन्थ’नानै बावगारो, जाय सरासन्त्रा जेंना। बेनि थाखाय सेफ्टीपिनखौ बाहायना गथ ‘फोरनि गस्त्राजों हेंकिखौ

एबा रुमालखौ थेबनानै होनो हायो। बिब्दिजों रुमालआ गोमानाय नडा आरो जेराव मेरावनो गोग्लैनायबो नडा। 2. मबाइल: स्मार्टफनआ जोंखो गोबां मदत खालामो आरो गोबां खामानिफोरखौ गोरलै खालामो। नाथाय मबाइल फनआव ट्रेनि सिम कार्ड थायो, जयाखौ बख ‘नो थाखाय होनाय पिनआ

गोमायोब्ला, गोबां जेंना जानाडो। बे पिनखौ मोनाब्ला, सेफ्टीपिननि मदत लानो हागौ। 3. जिप: माब्लाबा पेन्टनि जिप एबा सेनआ बायोब्ला, लाजिनांथाव जायो। बिब्दि जायोब्ला सेफ्टीपिननि मदत लानो हागौ। 4. नेकलेस: बबेबा नेकलेसनि पिनआ जुदि गाजि जायो अब्ला सेफ्टीपिननि मदत लानो हायो आरो मोन्नैजों सरजाबना लाखिनो हायो। 5. क्राफिट: आथिखालाव फरायसायाव उन्दैफोरनो बायदि प्रजेक्ट खालामना लाबोनो हरनाय जायो। जर ‘खायै स्क्रैपबुक एबा गुबुन मुवा बेसाद जिनाय गस्त्रा-लंफेन बौरैबा इसे जिनाय बादियाव सेफ्टिपिनखौ बाहायनो हायो।□

असिम मुनीरआ गोरोन्थि सावगारिखौ लानानै पाकिस्ताननि सायाव गाग्लोबदों

गोदान दिल्ली, 27 मे: एआइएमआइएम चीफ आरो एमपि आसदुद्दीन अवैसीआ पाकिस्तानी आर्मि चीफ असिम मुनीर आरो पाकिस्तान पिएम शहबाज शरिफनि सायाव गाग्लोबना बाश्त्रा बुडो। पाकिस्ताननि गाहाइ मन्थि शहबाज शरिफ आरो सान्थि गाहाइ असिम मुनीरखौ बेवकुफ जकार होन्ना बुडो।

मानोना बियो मोनसे हाइ-प्रफाइल हाबाफारिनि समाव भारतनि अपारेशन सिन्दुरनि फिन्नायाव जागायनाय अपारेशन बुनियान अल-मरसुसनि नक्ली सावगारि हमनाय पुनो मोन्दों। सुलुडव फोरमायनाय बायदिब्ला, असिम मुनीरआ गाहाइ मन्थि शहबाज शरिफनो अपारेशन बुनियान अल-मरसुसनि मोनसे सावगारि गिफ्ट होयो, जाय नंगुबेयाव 2019 नि चीननि

रंजालि गथ ‘फोरनि सौरा

आंनि सिनायथि

आं होनो सानदों आंनि सिनायथि सानन्सियारी बड’सानि हेफाजाबै। फरायो आं मोनफ्रोमबो सप्ताहनि बर’नि आंगो बड’सा खौरां। नडा आं सोरबा द्रामाटिक, महरगिरि, खन्थाइगिरि, सल’मागिरि आं सासे बर’ सेंग्रा फरायग्रा सोलोंग्रा। सा ककराझार अलंबार हाइस्कुलनि आदुवासिन फरायसा अलसियाबो। जानाय लोंनाय उन्दुनाय बेनो जादों आंनि रुटिन्। सेंग्रा-सिख्लानि लावनि सल’ बिजाब दैलि फरायनाया आंनि स्टायि। आं सोबा बिरि सिगारेट, आं जाया सादा गय फाथै, आं लोडा साहा नाथाय ... आंडो जौनि रोसिखौसो लोडो। सावरि -बादलि, फुजा-फोर्बो, हाबाथिलि, गोदान बेफोर आरो बैसागु बेफोर आंनि बावनो हायै दिनसै। फैगौ आनजातिनि दानआ जाथारनोसै जोबथा आनजादआ जादोंबो जायाखैबो आं मिथिला रिजाल्टआ हले जागोन फार्से-फास। नाथाय फैगोन काल-मासि रानखबबाय आंनि सेहेराया। जानो हागौ ब्रांडाइ देलायनायखाय गोसोआव लानायखाय केमेरा मेगनआव लानायखाय दुरबिन, बेफोरनो जाथायसे जंथायनानै, खस्टयै होनाय गुबै सिनायथि।

मुसि एस. आनलाखि बहम अलंबार गोर्जौ फरायसालि जिल्ला -कक्राझार

जिउनि फैमाल

सोरबाया रोंग’थि लानानै सोरबाया रोडैखौ लानानै गोरान बरजों। सारा मुलुगनि निहोरा रानैयावबो दुखु दाहानि बालाया रानझाव लांबाय। गोर्जौ जोमैनि हांखाय नायाव खाफालनि रिफिनाया बेनिफ्रायनो दिंग्रायनांबाय। सिमांबायदि जाबाय बे जिउआ गोरान बिलाय बायदि सिबथिं जाबाय सोरनिबा खाफालाव देरहानायनि अखाफोर गावदां-दां सोरनिबा खाफालाव जेन्नाय आरो रोडैनि लैथो हात्रां सोरांथौ-हरथौ गोदान नखोरांखौ नागिरनानै, गोदान जायख्खंनि सायायाव गोर्जोन सुदेम बारजों।

फनि महन इश्लारि जिल्ला:-कक्राझार,(बि.टि.सि.)

असिम मुनीरआ गोरोन्थि सावगारिखौ लानानै पाकिस्ताननि सायाव गाग्लोबदों



सान्थि यारि डि्लनि सावगारिमोन। बे हाबाफारियाव हादतगिरि आसिफ आलि जरदारी आरो गुबुन हादतआरि मन्थि इशाक डारजों लोगोसे टप राज-खान्थि आरो सान्थि यारि दैदेनगिरिफोरा बाहागो लादोंमोन। बिथाडा कुवैतआव भारतआरि फोलेरजों लोगोसे सावरायनाय समाव बुडोदि, बे बेवकुफ जकारआ भारतजों लोगोसे जुजिनो लुबैयो। बियो 2019 नि

फोलानाय

जेब्ला आं नोंखौ सान्दोंमोन सिरिसे गुसु बारा बारफैदोंमोन जेब्ला आं नोंखौ नुयो आंनि सिमाडव, आं उन्दुनार्यनिफ्राय सिखारनो लुबैयाखैमोन जेब्ला आडो हारसिडै, आं नोंखौ मिथियो मोकथाडव आंगो आंनि। जेब्ला नोडो आंगो आंखौ, आं गासिखौबो बावो। नाथाय जेब्ला आं नोंखौ दांनो नागिरो नों बारजों गोमोर लाडो। यै आंनि मोजां मोनाय बबाव दड नोडो ? आं गिखांदोंमोन नों गोहो बोलो नागारनानै फै, आं हारसिडै। आं नॉनि गोनांथार फेलें जानाय आरो थारैनो मोजां मोनो आं नोंखौ।

मुसि अशक बसुमतारी गामि - गफालगाव, लां-सो: - कक्राझार

मणिपुरआव मोन्थाम उतखारि हान्जानि सा 5 उतखारिफोरखौ ग्रेप्टार खालामदों



इम्फल, 27 मे: समबारखालि उतखारिनि बेरेखा अपारेशनआव मिरुआरि रैखाथि हान्जाफोर आरो मणिपुर सिभिल पुलिसनि मोनसे जुथाय हान्जाया मणिपुर हायेनि गुबुन गुबुन जायगाफोरनिफ्राय मोन्थाम आलादा-आलादा आन्डार ग्राउन्ड हान्जाजों सोमोन्दो थानाय सा 5 उतखारिफोरखौ ग्रेप्टार खालामो। पुलिसआ टैनौपाल जिल्लानि टैनौपाल पुलिस स्टेसननि सिडव थानाय सिमना पिलार 89 नि मडरेंथेल गामिनि खाथियाव होबथाजानाय पिपुल्स लिबारेसन आर्मि (पिएलए) नि सानै सांग्रां सोद्रोमाफोरखौ ग्रेप्टार खालामदों होन्ना रोखा खालामदों। बिबानगिरिफोरा ग्रेप्टार खालामनाय सुबुंखौ सोनाब इम्फलनि सिंजामेइ, चिंमाथक लेइकाइनिफ्राय मेसनम सुरुजित सिंह (29) आरो सान्जा इम्फल जिल्लानि याम्बेम माखा लेइकाइ, यारिपक, एन्ड्रिनिफ्राय कथौजम डिजेन मितेइ (20) मुडै सिनायथि होदों। गुबुन मोनसे अपारेशनआव हान्जाया थौबल जिल्लानि खंजम पुलिस स्टेसननि सिडव थानाय हादतआरि राजालामा 102 आव समाराम लमखाइनिफ्राय कालिपक कम्युनिस्ट पार्टि-पिपुल्स वार ग्रुप (केसिपि-पिडब्लिटउजि) नि सानै सोद्रोमाखौ ग्रेप्टार खालामदों। पुलिसआ सन्देह खालामथाव सुबुंखौ थौबल जिल्लानि सलुंफाम मयाइ लिकाइनि पुलिससबाम मधुलन सिंह एबा अशक कुमार (43) आरो सान्जा इम्फलआव सिजामेइ बामन लिकाइ नाहाबामनि गुरुमायुं बसन्ता शर्मा एबा मुन्डा एबा चिंखेइ (41) मुडै सिनायथिदों। गुबुन मोनसेबाव अपारेशनआव हान्जाफोर काकचिं जिल्लानि सुगनु पुलिस स्टेसननि सिडव थानाय चाजिं खुनौनिफ्राय होबथाजानाय कांगलि याअल कन्ना लुपनि सोद्रोमा लुपनि सोद्रोमा मयंलम्बाम प्रेमकुमार एबा तिबां मितेइ (35) खौ ग्रेप्टार खालामदों। हान्जाया बिनिफ्राय गंसे मबाइल फनबो बोखांनो मोन्दों □

सिक्किम सरकारआ दावबायारिफोरनो जर’खा बिथोन फोसावदों

गेंटक, 27 मे: सिक्किम मख ‘जाथाव जापुंसारनायखौ 16 सरकारआ समबारआव मोनसे मे 2025 आव मोनफुनो हादों। बोसोन फोसावना 29 मे, दावबायारि आरो नोगोरारि उरां 2025 आव राइज्योनि फ्राय ओंखारलानायनि थांखिलानाय दावबायारिफोरखौ फुंनि 6:00 रिंगासिमाव



ओंखारनो खावलायदों। बे बिथोनखौ गाहाइ मन्थि नरेन्द्र मदिआ सिक्किमआव दावबायहैनाय समाव हान्था-मेलाखौ स्वां खालामनो आरो रैखाथि राहाखौ रोखा खालामनायनि थांखिजों फोसावदों। गाहाइ मन्थिआ सिक्किमनि आबुं राइज्यो दाजानाया 50 बोसोर जानायनि खाबुआव खुंनाय जर’खा हाबाफारियाव 29 मेखालि बाहागो लागोन। राइज्योआ बे

बिफानआ फोसावनाय बोसोनआव बुंदोंमोन। बे जर’खा शुभ समाव भारतनि गाहाइ मन्थिआ फैगौ 29 मेआव हाबाफारियाव नुजाथिनानै राइज्योनि मानखौ बांहोगोन। सिक्किमनि गिबि मन्थि प्रेम सिं तामांआ गावनि मवख’आरि सशेल मिडिया हेन्डेल एक्सआव बे जारिमिनारि खाबुआव गाहाइ मन्थिखौ बरायनो मोनगोनखौ बिथाड गावनि थाखाय सन्मान आरो गोग्गाथाव होन्ना बुंदों।□

त्रिपुरायाव 32 बोसोर उनाव कैलाशहर उरां जाहाज गाथोनखौ खुलिफिन्नाय हाबाफारिया जागायबाय

आगरतला, 27 मे : 32 बोसोरनि उनाव त्रिपुरानि उनाकति जिल्लायाव थानाय कै लाशहर उरां जाहाज गाथोनखौ जागायफिन्नो हासिगौ। थानाय समबारखालि भारतयारि उरां जाहाज अट'रिटिनि मोनसे गोर्जौ थाखोनि थान्दै आफादआ गोलाव समनिफ्राय बन्द' जानानै थानाय उरां जाहाज गाथोनखौ नायबजिरो। बे दावबायनायनि गुदि थांखिया बे जायगानिफ्राय उरां जाहाज सिबिथाइफोरखौ जागायफिननो थाखाय नायबिर्नायमोन। गोर्लैसोनानै थानाय कैलासहर उरां जाहाज गाथोनखौ खुलिफिननो दाबि दैखांनाया



गोलाव समनिफ्रायनो गोर्लैसोनानै दं। राजखान्थि आरो राजखान्थि नडै मोनै आफादा उरां जाहाज गाथोन निफ्राय बिरनाय सिबिथाइफोरखौ सोलिहोफिननो दाबि दैखांगासिनो दंमोन। बिजेपिआ

खुंथायाव फैनायनि उनाव उरां जाहाज गाथोनखौ खुलिफिननो खोथा होदोंमोन। आथिखालाव राइज्यो आरो मिरु मोनैबो जायगाफोराव बिजेपिआ खुंथायाव दं। बेबायदियाव बिसायख'थिनि सिगां खोथा

होनायफोरखौ आबुं खालामनो नाजागासिनो दं। एएआई थान्दै आफादिनि आथिखालनि दावबायनाया बे हाबाफारिखौ गोर्खोंसिन खालामदों। दोलोआव एएआईनि सा-सान्जा

ओन्सोलारि बिथोनगिरि एम, राकिशर, महाराजा बिर बिक्रम उरां जाहाज गाथोन, आगरतलानि बिथोनगिरि कैलाश चन्द्र मिना, उनाकति जिल्लानि उफ्रा जिल्ला बिबानगिरि एल दारलं, कैलाशहरनि लेडाइ मेजिस्ट्रेट प्रदिप सरकार आरो गुबुन बिबानगिरिया दंफायोमोन। बेयाव नायबजिस्खांनायनि उनाव एएआईनि सा-सान्जा ओन्सोलारि बिथोनगिरि एम, राजकिशर आ मिडियानि सिगाडाव बुडोदि, गिबि नायबजिस्नाया आबुं जाखांबाय आरो राइज्यो सरकारनि बोसोनजों उननि हाबाफारिनि थांखि लानाय जागोन।

एभारेस्ट मेनआ गावनि सिगांनि रिर्कडखौ सिमफायफिन्दों



काटमान्डु, 27 मे: नेपालनि 55 बोसोर बैसोनि एभारेस्ट मेन मुडै मिबथिजानाय सुबुडा फिन खनसेबाव जारिमिन सोरजिदों। गिबि खेब हिमालयनि जौसिन थिखिनिसिम सौहैनाय 31 बोसोर उनाव मंगलबारआव बियो 31 खेब मुलुगनि जौसिन हाजो थिखिनियाव नेपालनि फिरफिला बिरहोदों। बिथाडा 31 बोसोराव 31 खेब हिमालयनि थिखिनखौ गाखोदों आरो बिथानि मुडनो जादों कामी रिता शेरपा। बे खेबनि मुजिथावना हाजो गाथोनाय हाबाफारियाव खुंगा सेवन सामिट ट्रेक्सआ मोनसे फिन्नायाव बुंदों। 'एभारेस्टआव 31 खेब गाग्लोबनाय गेदेमा कामी रिता शरैपानिसिम हामब्लाइथि बावो, जारिमनिनि एभारेस्टखौ बांसिन गाखोनो हानाय सुबुंआ गुबुन सिनायथिनि गोनांथि गैया। बिथाडा सासे गोर्खों हाजो

गाखोग्रा जोहोलाव आरो मुलुनगनि सासे नेसोंन। मख'जाथावदि, कामी रिताआ गिबि खेब 1994 आव मोनसे कमाशिंयेल एक्सपिडिशननि थाखाय खामानि मावनाय समाव माउन्ट एभारेस्ट थिखिनखौ आबुडै गाखोदोंमोन। बेनि उनाव बिथाडा गावनि क्लाइन्टखौ दैदेनलानांनै बोसोर्फ्रोमबो बे हाजो थिखिनखौ गाखोदों। बिथाडा बोसोर्से सिगां खेब 29 आरो खेब 30 माउन्ट एभारेस्ट हाजोखौ गाखोनायनि उनाव गावनि बिबान एबा खामानिखौ

मावफुंदों होन्ना बुंदोंमोन। बिथाडा बेबायदि रिर्कड खालामनाय जेबो थांखि गैयामोन। अदेबानि गावनि बे रिर्कडजों नेपाल हादतआ मुलुगाव सिनायथि मोन्नायाव शेरपाया गोजोन्नाय फोरमायदों। सेवन सामिट ट्रेक्सआ बुंदोंदि, कामी रिता शेरपाया भारतीय सान्थ्रि हान्जानि दैदेनगिरि महरै मंगलबारआव माउन्ट एभारेस्ट थिखिनिसिम सौहैदों। बिथाडा गावजों लोगोसे टीमनि गासिबो सोद्रोमाफोरखौ थिखिनिसिम लांदों आरो गाइड खालामदों।

रासियान सान्थ्रिआ इउक्रेननि दख्रै गोदान गामिखौ दख'ल खालामदों



कीव, 27 मे: रसिया आरो इउकेन दावहानि गेजेराव माब्लाबा दावहा दोन्थ'नायनि थियारि नुनो मोनोब्ला, माब्लाबा बे दावहाखौ गोर्खोंसिन जानाय नुनो मोनो। बिब्दिनो फिन खनसेबाव रासियाआ दख्रै गामिखौ दख'ल खालामदों होन्ना इउकेनआ दाय जाबसिन्दों। रासियानि सिमनायाव इउकेननि सुमि एरियानि गभर्नरआ बुंदोंदि, रासियानि सान्थ्रिआ इउकेननि ओन्सोलफोराव बफार ज'न

खालामनो नाजानानै दख्रै गामिखौ दख'ल खालामदों। रासिया सान्थ्रिनि सान्थ्रि आरो रासियानि सान्थ्रि ब्लगासंआ

बावैसो सिगांनि सानफोराव खौरं होयो। सुमि एरियानि गभर्नर एलेह हिहराभआ फेसबुकआव बुडोदि, सिमना

सिडाव दख्रै गामिफोरखौ फारिलाइ खालामदों, जायनि बागै बिथाडा बेफोरखौ रासिया सान्थ्रिनि सिडाव दड होन्ना मिबथि होदों। बे ओन्सोलनि गुबुन गामिफोराव दावहा सोलिगासिनो दड, जेराव भलडिमिरभका आरो बिलमदिभआ दंफायो। बावैसो सिगां सानफोराव रासियान रिपटफोराव बुंनाय जादोंमोनदि, मस्कनि सान्थ्रिआ बे ओन्सोलनि गामिफोरखौ गावसिनि दख'लआव लादों।

साब्रै बांलादेशिफोरखौ दैथाइ हरफिन्नाय समाव बिएसएफनि गुलि गावनायजों सिमनायाव दुंहाव थासारि

गुवाहाटी, 27 मे: सिमना रैखाथि हान्जा (बिएसएफ) आरो बांलादेशी सिमना रैखाथि (बिजिबि) नि गेजेराव गोब्राबै गुलि गावज्जालयनाय उनाव मंगलबार फुडव मानकाचारनि ठकुरनबारी ओन्सोलाव भारत-बांलादेश हरिमयारि सिमनायाव जेनाया बाडो। बांनाय होंगो-दोंगोखौ होस्नांनो आरो थासारिखौ गोजोन खालामनो थाखाय बिएसएफआ गोब्राबै बाराव खेबब्रै सांग्रांथि गुलि गावनाडो। बे जाथाया मोनसे

हाबाफारिनि समाव जायो, जेराव भारतयारि बिबानगिरिफोरा सा 14 बांलादेशी नोगोरारिफोरखौ दैथाइ हरफिननो नाजागासिनो दंमोन, जायफोरा गोब्राबै आयेन बेरखायै भारतयारि ओन्सोलाव हाबदोंमोन। आथिखालाव बांलादेश सान्थ्रि हान्जाफोरा गोब्राबै हरिमयारि सिमनानि 0 रेखानि खाथियाव आगान होफैयो, जायफोरखौ होस्नांनायाव जेना सोमजियो। सुलुंनि बायदिब्ला बिजिपि मावसुमाफोरा भारतयारि

हाबाफारिनि समाव जायो, जेराव भारतयारि बिबानगिरिफोरा सा 14 बांलादेशी नोगोरारिफोरखौ दैथाइ हरफिननो नाजागासिनो दंमोन, जायफोरा गोब्राबै आयेन बेरखायै भारतयारि ओन्सोलाव हाबदोंमोन। आथिखालाव बांलादेश सान्थ्रि हान्जाफोरा गोब्राबै हरिमयारि सिमनानि 0 रेखानि खाथियाव आगान होफैयो, जायफोरखौ होस्नांनायाव जेना सोमजियो। सुलुंनि बायदिब्ला बिजिपि मावसुमाफोरा भारतयारि



बिएसएफजों दान्थे-बिदान्थे

खालामनायजों लोगोसे 0 रेखा

ओन्सोलावबो हाबफैयो, जाय


मुम्बाइआव जुब-जुब अखा हागोन, दिल्लीआवबो अखानि येल' एलार्ट फोसावदों



समबारखालि मुम्बाइआव गोबां अखा हानायखौ नुनो मोनो। गोबां अखा आरो बार बारनायनि जाहोनाव बिदुडाबो दावखलायो। सुलुडाव फोरमायनाय बादिब्ला, बे खेबआव मौसुमि बोथोरआ गावनि थि समनि सिगां फैयो। बेनि गेजेरजों फैगौ माखासे सानफोरसिम अखाआ हाबाय थानो हागौ। माहारियारि राजथावनि दिल्लीआव शनिबार बेलासियाव गोबां अखा हानायनि जाहोनाव बिदुडाव गोबां दावखलायनायखौ नुनो मोनो। बेरफासँ आबहावा गुबुले जानायनिफ्रायबो रेहाय मोन्नायखौ नुनो मोनो। बोथोर बिफाननि बादिब्ला, थानाय

समबारखालि दिल्लीआव बिदुडा सरासन्तानिफ्राय गोबां खम जायो। बेयाव मेक्सिमाम बिदुडा 35.1 डिग्री सेल्सियास जायो, जाय सरासन्तानिखुइ 5.3 डिग्री खम जायो। बेरफासँ मिनिमाम बिदुखौ 25.2 डिग्री सेल्सियास दैखानो मोनो, जाय सरासन्तानिखुइ 1.4 डिग्री खम आरो बारआव सिदोमानि थाखोआ 90 निफ्राय 59 जौखोन्दोसिम सौहैयो। बेनि अनगायै मंगलबारखालिबो खावसे महरै जोमै साग्लोबनो हागौ आरो बारहुंखा फैनो हागौ। बोथोर बिफानआ 30 आरो 31 मेआव बारहुंखा आरो अखानि येल' एलार्ट फोसावदों।

हादरआव करनानि गोदान केसआ 1000 निबो बांसिन जाहैबाय



गोदान दिल्ली, 27 मे: हादरआव कभिड-19 इनफेक्सन बांनायनि गेजेरजों भारतयारि फाहामथाय संदानग्रा परिषद (आइसिएमआर) आ जिंगा सिनांगौ जेबो बाश्ना गैया होन्नानै बुडो। मानोना गोदान कभिड भेरिएन्टसनि इन्फेक्सनआ सरासन्ता आरो सरकारआ कभिड केसफोरनि सायाव नोजोर लाखिगासिनो दड। इन्फेक्सननिफ्राय रैखा मोन्नो थाखाय सुबुंफोरा सांग्राडै थानांगोन। बेनि गेजेरजों हादरआव कभिडनि एक्टिभ केसफोरनि अन्जिमाआ सा 1,009 जायो। बिसोरनि गेजेराव केरेलायाव 430, महारास्ट्रआव 209, दिल्लीआव 104 केस मोनो। बेरफासँ कभिडजों कर्नाटकआव सासे केरेलायाव सानै आरो महारास्ट्रआव साब्रै सुबुंफोरनि जिउ गोमायो। आइसिएमआरनि गाहाइ बिथोनगिरि डा: राजिब बहलआ थानाय समबारखालि बुंदोंदि, सोनाब आरो खोला भारतनिफ्राय लानाय नमुनाफोरनि जिनम सिक्वेन्सीननिफ्राय मिथिनो मोनोदि, गोदान भेरिएन्टफोरा गिखंथाव नड। गोदान भेरिएन्टसआव एलएफ 7, एक्सएफजि, जेएन 1 आरो एनबि 1.8.1 आ दंफायो। हादरनि गुबुन जायगाफोरनिफ्राय लानाय नमुनाफोरखौ सिक्वेन्सिं खालामगासिनो दड। कभिडनि गोदान केसखौ सिगाडाव खोला आरो उनाव सोनाब भारतआव मोनो। आथिखालाव सा भारतआवबो कभिडनि केसखौ मोन्नो हमबाय। आइसिएमआरनि गाहाइ बिथोनगिरिआ बुंदोंदि, आथिखालाव थासारिआ बे बाश्नानि सायाव सोनारोदि, भाइरासआ बेसेबां गोर्खैयै गोसारगासिनो दड। बेनि गेजेरजों मिरुवारि देहा बिफाननि नेहाथारिआ थानाय रबिबारखालि कभिडनि थासारिखौ नायबजिरोनो थाखाय जथुम खालामदोंमोन। बेनि थासारिनि सायाव लान्थ्रियै नोजोर लाखिगासिनो दड।

मोनसे हरिमयारि थाखोयाव सांग्रांथि गोनां ओन्सोल। बेयाव थासारिया गोब्राबसिन जायो, जेब्ला रोजा-रोजा बांलादेशी नोगोरारिफोरा बिजिबिनि मदतआव 0 रेखायाव जमा जायो। बे थासारिखौ आबुडै दाड-बाजियाव सोलायनायखौ होबथानो थाखाय बिएसएफनि जवानफोरा अखाडव सांग्रांथि होना गुलि गावो, जायजों होंगो-दोंगोखौ जाफु'सारै होस्नांनो ओन्सोलाव गोजोन सोमजिहोयो।

उदालगुरि जिल्ला कचराजबंसि आफादनि गाहाइ मावखुलि चिलाराइ भवन लुफुंनो अन्धाइ खाम्फा बेखेवदों मन्थि पियुष हाजरिकाया

जौगाथायनि थाखाय खामानि मावगासिनो आरो बायदि रोखोमनि बिर्थाखिफोर लाबोना मावगासिनो दं होन्ना । बिथाख बुंबावोदि, कचराजबंसिफोरनि गोबांथार जौगानायखौ बांहोनो थांखिजों बिजेपि सरकारनि समावनो कमतापुर गावखुडारि परिषद दानायनि अनगाथैबो कचराजबंसि जौगाखां परिषद दाफुंनानयनि गेजेरजों बायदि खाबुफोरखौ होबोनाय जादों । कमतापुर गावखुंथायारि परिषदनि गेजेरजों राइज्योनि बायदि ओन्सोलफोराव थाबोनाय कचराजबंसि हारिनि सुबुंफोरनि जौगाथायनि थाखाय 25 कौटि रां होनो राहा लानाय जादों आरो बिसोर जाहाथे मोनफ्रोमबो खाबु, बिर्थाखिफोरनि बाहागोखौ मोन्नो हायो बेनि थाखाय सरकारनि नाजानाया सोलिगासिनो दं होन्नानै बिथाख बुंडे । उदालगुरि जिल्लानि बिगोमा मन्थि महरै फैबाय थानाय समफोराव मन्थि हाजरिकाया जिल्लायाव बायदि खौरां लाफेनानयनि अनगाथैबो सम–सम कचराजबंसि हारिजों सावरायनायाव बाहागो लानायनि गेजेरजों बायदि रोखोमनि जेंनाफोरखौ सुखानो थाखायबो खोथा होलाडे दिनै सनाव । बे हाबाफारियावनो बिजेपि राइजोआरि आफादगिरि एबा दरं उदालगुरि लक 'सभा बियाबनि एमपि दिलिप सइकिया, बारग' एम पि पल्लब लसन दास, कचराजबंसि जौगाखां परिषदनि बुंथिगिरि कुमार प्रनब नारायण देब, दुलाराय कचराजबंसि सम्मिलननि नेहाथारि रनादित्य बर्मनमोनजों लोगोसे गागि सानसुमै मेलेमजिबि राइजो–राजाफोराबो बे हाबाफारियाव बाहागो लानाय जायो । □

गलादाडी गुदि फरायसालिनि बारग' गाहाइ फोरोंगिरि आरो मोनसे समनि गसाइगाव जिल्ला बर' थुनलाइ आफादनि गोखों मावथि एबा बारग' आफादगिरि रेनजेन्द्र' नार्जरीआ बे बुहुमाव गैलिया

थनाय जारागुरि गामियाव इं 1953 माइथायाव जोनोम मोन्नानै बिथाख गोजौ सोलोंथाइ लाखांनारयनि उनाव गोबाव सम गलादाडी गुदि फरायसालियाव सार्से फोरोंगिरि महरै खामानि मावबोदोंमोन । फोरोंगिरि महरै खामानि मावनायल' नख बिथाख सार्से गोगो गोसोनि समाज सिबियारि आरो मोनसे समनि गसाइगाव जिल्ला बर' थुनलाइ आफादनि गोखों महरै आफादगिरिनि बिबानबो लाबोदोंमोन । मिथिनो मोन्नाय बादिब्ला बिर्थानि देहाया गोबाव समनिफ़्रा लोरबां जानानै दङमोन । बेनिखायनो गुवाहाटीनि गंसे गावारि देहा फाहामसालियाव फाहामथायनि थाखाय थिसन्नाय जादोंमोनब्लाबो मैया समबार सानखालि बेलासि समाव 72 बोसोर बैसोआव रूंसारि जायो । बिर्थानि रूंसारि जानाया गसाइगाव ओनसोलनि आरो बर' समाजनि जौबोद खहा जादों होन्नानै बुनंगोन जायनि थाखाय ओनसोलनि गोबां सानसुमै बिर्थांमोना दुखु मोन्नाय फोरमायदों । बिर्थांनि गोथै सोलेरखौ बिदाय होनाय समाव दिनै गसाइगाव बिधान सभा बियाबनि एमएलए जिरन बसुमतारि, जमदुवार बियाबनि लोगो टिसिएल्सिसि मासिगिरि नितुन बसुमतारि, गसाइगाव दख'रा एबसु, गसाइगाव जिल्ला बर' थुनलाइ आफादनि मावथि बिर्थांमोनजों लोगोसे गुबुन गुबुन आफाद आरो राजखान्थि हान्जनि दैदेनगिरि आरो गोमों रयजो राजाफोरो बाहागो लायो । बिर्थांनि गोथै सोलेरखौ लानानै गावनि न'फ़िफ़ाय जारागुरि बाजार आरो जारागुरि गौजौसिन फरायसालिसिम लानानै गिदिंनानै जोबथा बिदाय होनाय जायो । □

मेथाइ खनगिरि रुंसारि भानुमति बांसियारिनि गोजोन जिउमानि थाखाय आलारि बाथि फोजोनानै आर'ज खालामदों

बिबार बाउनायजों लोगोसे आलारि बाथि सावो । बे आलारि बाथि सावनाय हाबाफारियाव मुसलपुर जिल्ला बि सि ए ए नि आफादगिरि बाबुल बसुमतारी नन्द बर', रतन मेहेर, बाक्सा जिल्ला दुलाराय बर' हारिमु आफादनि आफादगिरि रुपनाथ फनसियारि, लोगो आफादगिरि निकलसन बसुमतारी, नेहाथारि फोर्जोसार मुसाहारी बोसोनगिरि धिरेन रामसियारिजों लोगोसे बिबानाव थानाय बिबानगिरि बाक्सा जिल्ला एबसुनि आफादगिरि नन्देस्वर बर', नेहाथारि नितु कुमार ब्रह्म, नारेंपुर आरो मुसलपुर दख'रा एबसुनि आफादगिरिजों लोगोसे गोबां दैदेनगिरि आरो गौथुमनि बिबानगिरिफोरा बाहागो लानानै बिर्थानि मुसुखायाव बिबार बाउवो । □

फोरोंगिरि आलाइस्त्रि औवारीआ जोबथा हां बोबाय,

आलाइस्त्रि औवारी (५7) आ मैया समबार खालि हरखाबै जोबथा हां बोबाय । मख'नो गोनांदि, माखासे दान सिगां समनिफ़्राय बिर्थानि देहा थासारिया बेराम जानायजों सन्देरनानै दङमोन । बेबायदि सभावनो मैया समबार खालि देहानि थासारिया गोब्राब जानायाव फोरोंगिरिखौ बङयगाव लावार आसाम हस्पिटाल एण्ड रिचार्च चेंट्यराव लानानै थंनाय जादोंमोन, बे सभावनो साननि 11:30 रिंगायाव बिथाख जोबथा हां बोयो । फोरोंगिरिनि रूंसारि जानाय खौरां मोन्नाय लोगो लोगो सोलोंथाइ खोन्दोनि चौताकी मिरुनि फोरोंगिरि समाजआ जिउ गोमानाय बिर्थानिसिम जोबथा मान बाउनानै दुबुखों मोगा–मोगि जानाय न'खरनिसिम गोथौवै दुबु फोरमायथियो । बे मान बाउनाय समाव फोरोंगिरि समाजनि जानानै फोरोंगिरि बुध्देब शर्मा, फरायसालिनि बारग' गाहाइ फोरोंगिरि अनन्त' राय, अलिम रायमोनजों लोगोसे गाहाइ फोरोंगिरि फुलमती ब्रह्ममोनजों लोगोसे माखासे लोगो फोरोंगिरिआ बाहागो लाफेदोंमोन । मखनो गोनांदि, लाथागाव गामिनिनो थागिरि लोगो फोरोंगिरि आलाइस्त्रि औवारीआ रूंसारि जानाय समाव फिसाइ, फिसास्त्रा–बिहामजो, फिसाजो–बिजामादैजों लोगोसे माखासे आंगोनि न'खरआरि आरो अनसायगिरिफोरखौ बे रूंसाराव नागारलांदों । मख'नो गोनांदि, लाथागाव गुदि फरायसालिआ गाइसनजेन्नायनिफ़्राय फरा–फारि सोलोंथाइआ असमिया बिजोंल'मोन । जार्यनि उनाव बर' हारिनि फरायसाफोरनोबो सोलोंथाइ होनायनि थांखिजों जेब्लानिफ़्राय फरायसालियाव गुबुन मोनसे बर' बिजोंनि फरा–फारि सोलोंथाइआ जागायजेनदोंमोन । बे समनिफ़्रायनो बिथाख लोगो फोरोंगिरि महरै खामानि मावदोंमोन रूंसारि आलाइस्त्रि औवारिआ । सरासन्स्त्रा बयजोंबो गोरोबलानयनानै थाप्रा गुरै आखुनि बयजोंबो अनसाइजानाय फोरोंगिरिनि अब'थिराथै रूंसारि जानायाव जर्'खायै चौताकी मिरुनि गुदि फरायसालि सोलोंथाइ फसंथाननि फोरोंगिरिफोरजों लोगोसे लाथागावआव गोथौवै दुखुनि थासारि सोमजिदों । □

टंला नोगोर आफादनि गोदानै बिसायख' जानाय मासिगिरिनो बिबान गथायबाय

आफादनि मेल जथुमसालियाव मोनसे गोसो बोजानाय हाबाफारियाव समायखिरालाइखौ फरायथियो उदालगुरि जिल्लानि लेाइ जिल्ला बैंगिरि लक्ष्मी कुतुमआ । हाबाफारियाव नोगोर आफादनि मावफुं बिबानगिरि पार्थ प्रतिम सइक्रीया, बारग' एमएलए कुमुद दास, इडपिपिएलनि दैदेनगिरि फारियै–रबिन्द्र बर', बाबुल बसुमतारी, बुध्दिराम बर', खालिंदुवार गौथुमारि बियाबनि एमसिएलए दिलिप बर', टंला फरायसालिमानि आजिरा मोन्नाय बिबुंगिरि स्वपन आसाज्य, टंला लोगो आफादनि बारग' लेाइ मासिगिरि मलय लाहारि आरो सन्जय सेन, भेराव महकुमा पुलिस बिबानगिरि दुर्गा किंकर शर्मा, लहित दास, मनमहान दास, समाज सिबियारि प्रतिभा देबी, उदालगुरि जिल्ला साहित्य सभानि नेहाथारि दिबाकर बरा, गागि खौरंगिरि नारायण डेकामोनजों लोगोसे माखासे राइजो–राजाफोर बाहागो लायो । हाबाफारियाव गुबुन–गुबुन आफाद फसंथानजों लोगोसे अनसायगिरि राइजो–राजाफ़्रा गोदानै थिसनजानाय मासिगिरि कमल चौधुरीनो गामसा, आर'नाइ गथायनानै हामबलायथि बावो । हामब्लार्यथि बाउनायखौ आजावनानै आथिखालआव मोनब्रै वार्डजों दाजानाय टंला नोगोर आफादनि गुबुन–गुबुन जेंनाखौ सुखानारयनि बिथिखव अनसायगिरि राइजो–राजाफोरखौ बायदि बोसोन होनो खावलायो । □

बि टि सिनि मोन 40 बियाबावबो बि जे पि आ बिजाथि फसंगोनः दिलिप सइकिया

सोद्रोमा थिसन्नाय हाबाफारिया बे समाव बि टि आरआव सोलिबाय थानायखौ नुनो मोनदों । उदालगुरि सहरनि बिखायाव थानाय बिष्णु राभा कृष्टि संघ न'ब्लांआव बि जे पि राजखान्थि हान्जानि राइजोआरि आफादगिरि थामहिनबा दरं–उदालगुरि लक सभा बियाबनि एम पि दिलिप सइकिया, बि जे पि राइजोआरि हान्जानि गाहाइ नेहाथारि मन्थि्र पल्लब लसन दास, दै सम्पद बिफाननि मन्थि पिजुस हाजरिकामोननि नुजाथिनायाव मोनसे हान्जानि गोखों मावथि सोद्रोमाफोरनि सावरय जथुम लोगोसे गेदेरथार जयनिं हाबाफारि जानानै थाडे । हाबाफारियाव 2 रोजानिबो बांसिन हान्जानि मावथिफोरा बाहागो लानायजों लोगोसे फेरुस्ला फावगिरि बिपुल राभा, इड पि पि एल राजखान्थि हान्जानि दैदेनगिरि नन्दराम बर' बिर्थांमोनजों बि जे पि राजखान्थि हान्जाखौ मोजां मोन्नानै 200 निबो बांसिन गुबुन गुबुन राजखान्थि हान्जाफोरनिफ़्राय बि जे पि राजखान्थि हान्जायाव आखाय हम्फैयो । उदालगुरि जिल्लानि सिडव थानाय 841 बुट कमिटिनि साम्प्रोनबो सोद्रोमाफोरखौ मिसन बि टि आर थांखिजों थाद'नाय गैयि सन हर बिसाइख'थिनि थाखाय दानिफ़्रायनो जानजि खाफ़्राना खामानि मावनो हाबाफारिनि गेजेरजों दिनैन सनाव खावलायो एम पि बिथाख । बि टि आरआव थानाय 35 लाख सुबुंफोरनि मोखाङ बि जे पिनि फारसे जायनिं थाखाय हादरनि गाहाइ मन्थि नरेन्द्र मदि, नख'र मन्थि अमित शाह, आसामनि बयजोंबो अन्साइजानाय ऊ हिमन्त बिश्म शर्मा बिर्थांमोनहा राव धोहोरोरम हारि बासियाबालानो बि टि आरखौ जौगानाय फारसे लांनो आवगायबोदों । बेनिखायनो फैबाय थानाय बिसाइख'थियाव बि जे पि राजखान्थि हान्जाया बि टि सिनि मोन 40 बियाबआवबो बिजाथि फसंना सरकार दाफुंगोना रोखासे होन्नानै एम पि बिथाख राइजोफोरनि सिगाडव गोख्रोइ बुंथिना होनायखौ नुनो मोन्नाय जायो । बे हाबाफारियावनो एम एल ए दिगन्त कलित, बारग' एम पि सनतियुस कुजुइ, उदालगुरि जिल्ला बि जे पिनि आफादगिरि सुनिल बसुमतारि, बि टि आरनि मावफुं सोद्रोमा दिगन्त बरुवा, मिन'न मोसाहारी बिर्थांमोनजों लोगोसे हान्जाखौ मोजां मोनप्रा राइजो–राजाफोरनि बाहागो लानायाव हाबाफारिया जाफुंसार महरै जोबनानै थाडे । □

बिटिसि मथनगुरि बियाबआव अगप'नि बिसायख'थियारि सांग्रांथि मेल

आपुर्ब कुमार भत्ताचार्यआ गावनि बिबुंथिआव बुंउंदि, असम गन' परिषद दोलोआ मथनगुरि बियाबजों लोगोसे बिटिआरआव दर 10 गौथुमारि बियाबआव बिजाथि फसंनानै बिसायख'थि गेलेगोन । बिटिआरनि राजखान्थिआव एबा खुंजानो गोनां फैगौ बिसायख'थियाव अगप'नि फिथाइआ मोजां जगोन । अपुर्ब कुमार भत्ताचार्यआ गावनि बिबुंथियाव राइजर दलनि एमएलए अकिल गगैआ अगप' दोलोखौ सोंखारिनारयनि सोमोन्दै गोखों फिनजाथाइ होनानै बुंदोंदि, अकिल गगैआ सोरनि गोबोंआव जोनोम लादोंमोन । अकिल गगैआ गावनि फोरमायथिखौ कृषक मुक्ति संग्राम समितिनि गेजेरजों होदोंमोन । नाथाइ आबादारिफोरनि उदांसिनि थाखाय अकिल गगैआ मा खामानि मावखो ? अकिल गगैनि दैदेन्नायाव आबादारिफोरा उदांसि मोनदों नामा ? अगप'नि फिन जाखोंफिन्नायाव अकिल गगैनि मेजिक ट्रिक्सआ आरोबाव सोलिनाय नैलिया । अकिल गगैनि राइजर दलआ कंग्रेसनि सायाव माब्लाबानो फानजाबाय । अगप' दोलोआ अकिल गगै बादि कंग्रेसनि आखाइआव फानजाप्रा दोलो नङा । अकिल गगैआ आथिखालआव जायखिजाया बाश्त्रा बुंथिदों । मेलआव बारग' मन्थि आरो राज्य सभानि बारग' एमपि कुमार दिपक दास, बारग' एमएलएफोर फारियै–ङाः तारा प्रसाद दास, गुनिन दास, आरप'नि मिरु दैदेनगिरि धरंसेस्वर रय, मन्तु उजाजों लोगोसे माखासे दैदेनगिरिफोरा बाहागो लादोंमोन । □

मुसलपुराव अबर' सुरक्षा समिति, आसामनि खौरंगिरि मेल

मुसलपुर प्रेस क्लाबआव खौरंगिरि मेल खुंनानै अबर' सुरक्षा समिति आसामनि मिरु नेहाथारि माधब राजबंसिआ बुंदोंदि, अबर' सुरक्षा समितिआ राजखान्थियारि दोलो नङाब्लाबो बिटिआरआव जिउ खानाय 24 लाख बर' हारि नडै सुबुंफोरनि फारसे नोजोर लानानै आफादआ गावआरि बिजाथि फसंगोन । नाथाइ नब' कुमार सर'नियानि दैदेन्नाय गन' सुरक्षा पार्टीजों लोगोआरि थानाय नङा । माधब राजबंसिआ बुंदोंदि, बिटिआरआव बिपिएफ दोलोनि खुंथाइ रहानि फारसे खुद्रिखानानै अबर' सुरक्षा समितिआ जोनोम जादोंमोन होन्ना बिथाख फोरमायदों । बे अबर' सुरक्षा समितिनिनो गन' सुरक्षा पार्टीआ मोनसे आफाद । नाथाइ बे गन' सुरक्षा पार्टीआ आथिखालआव खान्थि आदर्स गगै बादियै बिपिएफ दोलोजों लोगोआरि जानो सावरायगासिनो दङा। बेनि थाखायनो जौनि रोखा थांखिआ खान्थि आदर्स गगै बादियै दोलोजों लोगो जानो लानाय दोलोखौ जोडो हेफाजाब होआ । बेनि थाखायनो बेबायदि मोनसे राजखान्थि दोलोजों अबर' सुरक्षा समितिआ माब्लाबबो लोगो जाया । अबर' सुरक्षा समितिनि नेहाथारि माधब राजबंसिआ बुंदोंदि, जायखिजाया हारि, हारिसानि जानानै अबर' सुरक्षा समितिआ जोनोम जायाखेंमोन । बिटिआरआव जिउ खानाय अबर' (बर' हारि नडै) सुबुंफोरनि राजखान्थियारि, समाजआरि, सोलोंथाइआरि, रंखान्थियाव मोन्थाइफोरखौ लाबोफिन्नायनि सार्थआवसो अबर' सुरक्षा समितिआ सोमावसारबोदों । खौरंगिरि मेलआव अबर' सुरक्षा समितिनि नेहाथारिआ फिन बुंदोंदि, बावैसो जन दास आरो इडपिपिएल दोलोनि गेजेराव सोलिबाय थानाय अजदआ बाक्सा जिल्लानि राजखान्थियारि थासारिखौ दुंहाव खालामदों । बिथाङ बुंदोंदि, जन दासआ बे समाव जायफोर बिबुंथि लाखिदों, बेफोरखौ अबर' सुरक्षा समिति, आसामनि बिबुंथि नङा । खौरंगिरि मेलआव अबर' सुरक्षा समितिनि बुंथिगिरि पंकस दासआ अबर' दैदेनगिरि जन दासखौ गावनि आफादआरि थासारिखौ रोखा खालामनो खावलायदों । बिथाङ बुंदोंदि, बिपिएफ दोलोखौ हेंंथा होनानैनो अबर' सुरक्षा समितिआ जोनोम जादोंमोन । गुबुन फारसे अबर' सुरक्षा समितिनि गोर्बोंआव जिएसपि दोलोआ जोनोम जादोंमोन । नाथाइ जिएसपि दोलोआ गावनि आदर्सखौ नागरानानै बिपिएफजों गोरोबलायबाय । बे जिएसपि दोलोजों बावैसो जन दासआ गोरोबलानयनानै खामानिखौ मावफुंनय नुनो मोनदों । बेनि थाखायनो जन दासआ गाव आफादनि नेमखान्थि आदर्सखौ रोखा खालामनांगौ । लोगोसेनो जन दासखौ थावैनो अबर' सुरक्षा समिति आसामजों लोगो हमनानै सावरायलायनो बिथाङि खावलायदों । मख'नो गोनांदि, दिनैन खौरंगिरि मेलआव अबर' सुरक्षा समितिनि माखासे बिबानगिरिफोरा बाहागो लाफेदोंमोन । □

उदालगुरि जिल्लानि पेनसन सनमान बान्था मोन्नाय सा 6 महरगिरिफोरनो फोरमान

बिलाइ गथायदों मन्थि पिजुस हाजरिकाया

मुलाम्फागिरिफोरखौ सायख'नायनि बिथिङव गोखों नोजोर लाखिनो मन्थि बिथाख साम्प्रोमखौबो खावलायो । अरुणद'थआ गिबि मन्थि ऊ हिमन्त बिश्म शर्मनि मोनसे गिदिरथार मावबिर्थांफि होन्ना बुडे मन्थि हाजरिकाया, बे मावबिर्थांखि बायदियै साम्प्रोमबो मोन्थावना मुलामफागिरिफोरा मोनफुंनो हायो बेखौ बि्था खालामना मावसुमाफोरखौ बिथोन होयो । आइजोफोरा गावखौ गाइसन्नाय आरो रंखान्थियारि बिथिखव दावगालांनारयनि थाखाय बे मोनसे जुनिया मावबिर्थांखि होन्ना मन्थि बिथाङ समाजनिफ़्राय निखावरिखौ फोजोबक्सानाय बेलायव आइजोफोरनि बिहोमाया गोनांथार होन्नाबो दिनैन सनाव बुडे । दिनैन बे हाबाफारियावनो उदालगुरि जिल्लानि महरगिरि पेनसन, आरो बोसोरारि महरगिरि पेनसन सनमान बान्था मोन्नाय सा 6 महरगिरिफोरनो मन्थि पिजुस हाजरिकाया फोरमान बिलाइ रान्नानै होयो । मख'नो गोनांदि, आसाम सरकारआ गेलेमुवारि आरो लाइमोन समाज जौगाथाय बिफाननि सिडव मोनफ्रोमबो बिधान सभा बियाबनि मोनफायै मुं थिसनजानाय लाइमोन क्लाबफोरनो रांडरि अनसुंथाय होनो थांखि लादोंमोन । उदालगुरि जिल्लानिफ़्राय मोनब्रै बिधान सभा बियाबनि सिडव थानाय मोनब्रै क्लाबनो 5 लाख राइेदिनैन मेलआव चेक रान्नानै होबावनाय जायो । हाबाफारियाव आसाम आयेन आफादनि बुंथिगिरि बिस्वजित दैमारि, एम पि दिलिप सइकिया, आयेन आफादनि सोद्रोमा महरै एम एल ए गविन्द चन्द्र बसुमतारी, दुर्गा दास बर' आरो चरन बर', बि टि आरनि मावफुं सोद्रोमा ऊ निलुत स्वरंगियारि, दिगन्त बरुवा आरो दावबायसा बर', जिल्ला बैंगिरि पुलक पाटगिरि बिर्थांमोनजों लोगोसे गोबां अनजिमानि सानसुमै बिर्थांमोनहा हाबाफारियाव बाहागो लानाय जायो । □

कक्राझारआव आइजो फुटबल सेम्पियनसिपनि गिबि सेमिफाइनल मेच

बर'आ फारियै 20,46,82 आरो 90 मिनिटआव गरब्रे गल सोयो आरो माइदॉसि नार्जरीआ 37 मिनिटआव गरसे गल सोनानै क्लाबनि गिदिर गलजों देरहानायाव मदद होयो ।

गाबोन साइ फुटबल क्लाब आरो एनआरएल फुटबल क्लाबनि गेजेराव नैथि सेमि फाइनल मेच खुंनानाय जगोन ।

मख'जाथावदि, थानाय 10 मैनिफ़्राय जागायनाय बे बादायलायनायाव जिल्ला गेलेमु आफादनि आवथायराव थानाय मोन 6 क्लाबफोरा बाहागो लादोंमोन । □

चिरांआव गोदानै लुफुंजावाय चिरां जिल्ला जोबथेसालि

जोबथेसालियाव दावबायफेना जोबथेसालिनि गासै बिर्थिखौ गोजोननाय फोरमायदों । जोबथेसालियाव दावबायखानारयनि उनाव खौरांगिरिफोरनि मोगा–मोगियाव मन्थि बिथाङ बुडेदि, सा–सान्जानि गेजेरावनो बेबादि समायना आरो गोदान मुगानि खाबुफोर थानाय जोबथेसालि गैया । बिथाङ बुंबावोदि, गोदानै लुजानाय गोदान मुगानि जोबथेसालियाव हौवाफोर, हिन्जावफोर आरो थामथि आथोनजों लोगोसे गासै सा 636 कैदिफोर थानो थाखाय मोनसे मोजां राहा दं । जोबथेसालिनि सिडव देहा फाहामसालि, फरायसालि, बिजाब बाखि बायदिफोरखौ लाफानानै हौवा आरो हिन्जावफोरनि थाखाय गासैबो रोखोमनि सुबिदाफोर दं । बिथाङ दाबि खालामोदि, खालि आसामआवल' नङा नाथाय गासै सा–सान्जायवनो बे जोबथेसालिबादि सुबिदाफोर गैया । काजलगावआव गोदानै लुजानाय जिल्ला जोबथेसालिखौ 21 जुनखालि गिबि मन्थि ऊ हिमन्त बिश्म शर्माआ नेमखान्थि बायदियै बेखेवगोन होन्ना बिथाङ फोरमायदों । गोदानै लुफुंनाय जोबथेसालिखौ नायदिहैनाय जायगानि एम.एल.ए. निर्मल कुमार ब्रह्मआ बुडेदि, आसामनि गोबां जोबथेसालिफोराव दावबायहैबाय नाथाय चिरां जिल्ला जोबथेसालि बायदि गासै खाबुफोर गोनां जोबथेसालि नुनो मोनाखेंमोन । लुनायनि खामानिया आबुं जाबायब्लाबो साखोन–सिखोन खालामनारयनि गोनांथि दं । नाथाय बेखेवनायनि सिगां गासैबो खामानिफोरखौ फोजोबनो राहा लादों । गोदानै लुफुंनाय जोबथेसालिखौ नायगिदिंनय समाव मन्थि रुपेश गवालाजों लोगोसे एमएलए निर्मल कुमार ब्रह्म, बिजनीनि एमएलए अजय कुमार राय, जिल्ला कमिसनार जतिन बरा, आइजिपि (पि) पुबालि गहाइन, डिआइजि गौतम बरा आरो जिल्लानि पुलिस सामलायगिरि अक्षत गार्ग आरो गुवुन गुबुन आसाम पुलिस मावख'गिरिफोरबो दंमोन । □

बिटिसि बिसायख'थिखौ लानानै इडपिपिएलआ दरफ्रोमबो जिल्लाआव दोलोआरि मावबादा खुंदों

लानानै बिटिआरनि मोन 10 जिल्ला आफाद, ब्लक, प्राइमारि आरो बुध थाखोआव दोलोखौ गोखोंथार महरै दाफुंनो थाखाय दरफ्रोमबो जिल्लाआवनो दोलोआरि मावबादा खुंनानै सोलोखान्थि दाफुंनयाव नांथाबदों । बेजों लोब्बा लाखिनानै कक्राझारआव दिनै दोलोनि मोनद' कमिटिफोरखौ लानानै इडपिपिएल दोलोनि आफादगिरि प्रमद बर'आ दोलोनि मोनसे मेलआव बाहागो लायो । गुबयै फैगौ बिटिसि बिसायख'थि आरो दोलोनि फसंथानारि थाथायखौ लानानै खुंनाय बे मेलआव आफादगिरि बर'आ खौरंगिरिफोरनि सिगाडव बिटिसि बिसायख'थिखौ लानानै इडपिपिएल दोलोआ आबुं आरो गोखोंथारै थियारि जाबाय होन्नानै फोरमायथियो । बिथाङ इडपिपिएल दोलोनि फारसे फेनाय सेलेन्जनि सोमोन्दै फिनजाथाइ होनानै बुडेदि, ‘‘ जौनि दोलोनि सायाव मोनबो रोखोमनि सेलेन्ज गैया । सेलेन्ज होन्नानै जोडो लायाख । मानोना सेलेन्जआ राजखान्थि दोलो एबा राजखान्थि दैदेनगिरिनि जानो हाया । राजखान्थि गेलेग्राफोरा मिबन्थिनांगौ राजखान्थि गेलेग्रा मानसिनि जेबो सेलेन्ज थाया, नाथाइ बादायनाया फेनो हागौ । इडपिपिएल दोलोनि सेलेन्ज दंमोन सिगांनि राजखान्थि दोलोफोरआ बोस्नानांनै गालानो हायै जोंब्लावनाय जेंनाफोरखौ । जौनि सेलेन्जआ जादों बिटिआरनि 35 लाख राइजो–रजा सुबुंफोरनो गोजोन, रैखाथि, खौरंथि दाफुंनय आरो मानसिफोरनो हानि मोन्थाइ होनाय । नाथाइ इडपिपिएल दोलोआ आदर्शनि राजखान्थिआव दङमोन बिटिआरनि 35 लाख सुबुंफोरनो गोजोन, रैखाथि रोखा खालामनानै हारि माहारिनि गेजेराव खोसेथि आरो जौगानाय लाबोनानै अन्सायनाय आरो सिबिथाइ होनायनि सान्नाय हनाय । बेफोरखौ थंनाय 17 बोसोर खुंथाइआव थानानै हाग्रामा महिलारआ मावफुंनो हायै फेलें जालाय हाबाफोरखौ दिनै इडपिपिएल दोलोनि खुंथाइआ ब्रै खावसे बोसोर खुंथाइ सामलायनायावनो गासैखौबो मावफुंनो हाबाय आरो बे आदर्शनि राजखान्थिनि थाखाय दिनै इडपिपिएलनि खुंथाइ समाव मोनसे गिदित जाफुंसारनायनि फोरमान महरै नुजादों होन्नानै बुडे प्रमद बर'आ । बर'आ बुंबावोदि, मोनसे समाव बे ओनसोलाव जाफ्लेबाय थानाय हिंसा–हिंसि आरो थैन बाना बोहैनाय थासारिआव बर'फोरजों लोगोसे कचराजबंसि, आदिबासि, नाथ यगीफोरखौ लानानै मोनफ्रोमबो हारिनि सुबुंफोरा गिनांगौ जानानै फैदोंमोन । जौनि सिगाडव बेनो सेलेन्ज महरै नुजादोंमोन बड'लेण्डखौ हिंसापारि थासारिनिफ़्राय उदां खालामनानै बेयाव अरायथा गोजोन थासारि गायसन्नाय । नाथाइ जोडे जाफुंसारनो हादों आरो दुलाराय हादरनि थाखाय बिटिसिआ दासान्दि मोनसे आदर्श महरै गायसन्नो हादों । सिगांफोर समाव बेयाव गनतन्त्र होन्नाय जेबो गैयामोन । बिसायख'थि रुडोब्ल्वा थैजों आबिर् गेलेनाय थासारि आरो मानसिफोरनि जिउ लानायसिम मोनसे गात्रि थासारि दङमोन । दिनै बे गासैबो गात्रि थासारिफोरा गैलिया आरो बिटिआरनि थागिरिफोरा मोनसे मोजां आरो गोजोन थासारि मोनो हाबाय । सोलिफु समाव बड'लेण्डआव जायखि–जाया सुबुंफोरानो गिनाय गैयाजासे उदां गोसोजों दावबायनो हाबाय आरो गावनि भट होनायनि मोन्थाइखौ गावनि गोसो बादियै होनो हाबाय । सुबुंफोरा गिनाङजासे उदां गोसोयै दावबायनो हाबाय आरो बुंनो हानायनि मोन्थाइखौबो मोनफिनबाय । बयबो जेन' फारफ्रोमबो बिथिडवनो रैखाथि थासारिखौ मोनफिन्नो हाबाय । इडपिपिएलआ खुंथाइआव फेनायनि उनावनो 2 लाखनिखुइबो बांसिन नख'फोरनि हा–हुनि जेनाफोरखौ बोस्नानारयनि अनगाथैबो गुदि थि्था जौगाखांहोनानै 1600 कित'मियर लामा लुफुंनायजों लोगोसे देहा, सोलोंथाइ, आबाद बिफानाव गोबांथार सोलायनाय लाबोनानै जौगाखांनाय लाबोनो हाबाय होन्नानै दाबि खालामो प्रमद बर'आ । बेखायनो फैगौ बिटिसि बिसायख'थिखौ लानानै इडपिपिएल दोलोआ सांग्रां जानानै राइजो–राजाफोरखौ सिबिथाइ होनायनि थांखियै सिगांबोनाय इडपिपिएल दोलोनि फारसे राइजो–रजाफोरनि बोर दङ होन्नानैबो बुडे मुस्त्रि बर'आ । बिसायख'थिआव बिपिएफ दोलोजों ज' जानानै बिसायख'थि गेलेनायनि सोमोन्दै सॉनारयनि फिन होनानै मुस्त्रि बर'आ बुंदोंदि, बिपिएफजों बे बाश्त्राखौ लानानै गोबां खेब सावरायनाय जालांदोंमोन । नाथाइ बिर्थांमोननि सोलोखान्थि आरो सान्नाय–हनाया जौनि दोलोनि थाखाइ आजावथावना नङा । बेखायनो बिपिएफआ जुदि गोदान माबा मोनसे मोजां सान्दोंब्ला बेनि बागै जौ मिबथिया । इडपिपिएलनि सान्नाय–हनाया जादों बड'लेण्डआव गोजोन, जौगाखांनाय आरो सुबुंफोरनि गेजेराव खोसेथि दाफुंनय होन्नानै बिथाङ बुंदों ।

बिटिआरनि गाहाइ प्रमद बर'आ दिनै कक्राझारनि सिमबोरगावनि हरिनागुरिआव जारिमिनारि बिटिआर रादायनि आवथायाव जुनात फिसिनारयनि आदार दिहुन्थाइ बिर्थांखिनि मोनसे अन्थाइ खाम्फा गायसनो । बे गिदिरथार बिर्थांखिनि अन्थाइ खाम्फा गायसन्नाय हाबाफारिआव एमपि जयन्त बसुमतारी आरो जायगानि एमएलए लेरन्स इस्त्तारिआ बाहागो लायो । □

बनरगाव दख'रा एबसुआ मेट्रिक आन्जादआव दख'रानि टप–5 फरायसाफोरखौ बरायदों

एबसुआ 2025 इं माइथारयनि मेट्रिक आन्जादआव बर' बिजोंजों फरायनानै 1 थि थाखोआव उश्त्रिसारनानै दख'रानि गेजेराव बयनिखुइबो बांसिन जौखोन्दो लानानै 5 थि मासियाव जायगा आवग्रिनो हानाय सा 5 फरायसुला–फरायसुलिफोरखौ बरायनायजों लोगोसे मान बावो । दिनै साज्जोफुनि 12:०० रिंगायाव बनरगाव गोजौ फरायसालिआव मोनसे हाबाफारिनि गेजेरजों बनरगाव दख'रा एबसुनि आफादगिरि बिकाश मोसाहारनि मासि लानानै दैदेन्नायाव फरायसुला–फरायसुलिफोरखौ बरायनाय हाबाफारियाव गाहाइआलासि महरै बाहागो लायो मिरु एबसुनि सोलोंथाय नेहाथारि सोमावसाद बसुमतारिआ । गाहाइ आलासि बिथाङ गावनि बिबुंथिनि गेजेरजों फरायसाफोरनि गेजेराव बेसेन गोसा बोसोन होलाडे । देरलायनि 2025 इं माइथारयनि मेट्रिक आन्जादआव बनरगाव दख'रा दुलाराइ बर' फरायसा आफादनि सिडव बांसिन 5थि मासि आवग्रिनो हानाय फरायसाफोरनि गेजेराव दं फारिइ– सेथिआव मैखोम बसुमतारि (५02/83.66 जौखोन्दो), नैथिआव अमब्रिता बसुमतारि (४81/80.16 जौखोन्दो), थामथिआव इसुना मुसा

गाहाम देहानि राहा

गोलोम बोथोराव लिसुआ गोबां जाहोनफोरनि थाखाय मुलाम्फा गोनां

गोलोम बोथोराव थाइजौनि अनगायै लिसुआबो गोबां गोनांथि जायो। बिदै गोनां फिथाइखौ हाथाइयाव मोन्नो हागोन। नाथाय बे फिथाइखौ जानायनि मुलाम्फाखौ मिथिगो नामा ? गुबैयै, लिसुआव गोबां बिबांनि भिटामिन सि थायो, जाय होबथानो हानाय गोहोखौ बांहोनायाव मदत खालामो। गोलोम बोथोराव लिसु जानायनि मुलाम्फा –

1. उदैनि थाखाय: लिसु जानाया उदैनि थाखाय गोबां रोखोमनि मुलाम्फा गोनां। गिबिआव बेयो बिबुनि बेक्टेरियाखौ बांहोयो आरो बेनि उनाव मेटाबलिक रेटखौ बांहोयो। जेब्ला बेखौ जायो अब्ला हजम जानाया गोख्रैसिन जायो आरो बेयो लिरथाय खमायनायाव मदत होनो हागौ।
2. बिगुनि थाखाय: लिसुआव एन्टिअक्सिडेन्ट थायो, जाय बिगुरखौ मोजाडै लाखिनायाव आरो बेनि जौनायखौ मदत खालामो। बेजों लोगोसे बेयो हाइड्रेशन बांहोयो आरो कलेजन दिहुन्नायखौ बांहोयो।
3. सानस्ट्रक: लिसु जानाया सानस्ट्र 'कखौ होबथानायाव



हेफाजाब होनो हागौ। लिसुआव मोजां बिबांनि दै आरो मिथिंगायारि फ्रक्ट 'ज थायो, जाय देहाखौ गोहो होनायजों लोगोसे हाइड्रेशन टक्सिननि बिबांखौ बाडय खालामफिनो। बेयो डिहाइड्रेशननिफ्राय बारग'नायाव मदत खालामो आरो सानस्ट्र'क जानायनिफ्राय होबथायो।
4. देहानि गोहो: लिसु जानाया देहायाव गोहोखौ बांहोयो, मानोना लिसु जायोब्ला केल'री गोहोआव सोलायो। लिसुआव माखासे एन्टिअक्सिडेन्ट थायो, जाय मुडबुस्टर बायदि खामानि मावो आरो गोसो बायनायनि मोन्दांथिफोरजों जुजिनायाव मदत खालामो। बेजों लोगोसे हार्मनेल सावस्त्रिखौ साबसिन खालामनायाव हेफाजाब होयो।

5. देहानि डिटक्सिफाइ: लिसु जानाया देहाखौ डिटक्सिफाइ खालामनायाव गोहोम गोनां। बेयो देहायाव टक्सिननि बिबांखौ बाडय खालामो आरो लिभार आरो किडनीनि साबसिन खामानियाव हेफाजाब होयो। बेनिखायनो बेफोर गासैबो मुलाम्फानि थाखाय बे बोथोराव थारै'नो लिसु जानांगौ।
6. होबथानो हानाय गोहो: लिसुआ भिटामिन सि, बीटा-के र 'टीन, नियासिन, राइबफ्लेभिन आरो फलेट बायदि निउट्रियेन्टफोरजों बुंफबनाय, जाय देहानि इम्युन सिस्टे मखौ गोखों खालामनायाव मदत होयो। □

63 बोसोर गोजाम हादत सिबिनाय देंखोरखौ सिगारेट पेकेटआव लिरदोंमोन

जों बयबो 'ऐ मेरे वतन के लोगों' दें'खोखौ खोनासंनानै देरबोदों। दिनैसिमबो जुदि बे दें'खोखौ खोनायोब्ला बयनिबो गोसोआ गाबखाडो। मख'जातावदि, बे दें'खोआ 63 बोसोर गोजाम जाबाय। बे दें'खोखौ जेब्ला स्टेजआव फैनानै गिबि खेब लता मांगेशकरआ खन्दोंमोन, अब्ला बै समनि गाहाइ मन्थ्रि पन्डित जवाहर लाल नेहरुनि मेगनावबो मोदैजों सिग्लाबदोंमोन। अब्ला मिबथिनानै लानि बे दें'खोखौ लिरनायनि आन्दोआव मा सल' दड?' 'ऐ मेरे वतन लोगों' दें'खोखौ गिबि खेब दिल्लीनि नेशनल स्टेडियाआव सुबुंखांथि साननि प्रग्रामआव गावनि गोदै गारांजों लता मांगेशकरआ खन्दोंमोन। मिडियानि फोरमायनाय बादिब्ला, जेब्ला बे दें'खोआ जोबदों, अब्ला बै समाव सोरगिदिं सिं स्र' जादों आरो बयनिबो मेगनाव मोदै गदों। जेब्ला लता मांगेशकरआ दिल्लीआव बे दें'खोखौ रोजाबदोंमोन, बे समाव भारत आरो चीननि गेजेराव दावहा जोबना थांनाया 2 दानल' जादोंमोन। स्टेडियामआव गाहाइ मन्थ्रि पन्डित जवाहर लाल नेहरुजों लोगोसे बै समनि



हादतगिरि एस राधाकृष्णनआबो नुजाथिफैदोंमोन। मख'नो गोनांदि, जेब्ला लताआ जौस्नाडव दें'खो रोजाबदों अब्ला बनि गाराडव गाबनाय एबा दुखु मोन्नाया रिखांदोंमोन आरो

बनि दें'खोया जौस्नांनि सोरगिदिं गोमखांदोंमोन, जायनि जाहोनाव साफ्रोमनिबो मेगनाव मोदै बोहैंदोंमोन। मख'जाथावदि, बे खन्थाइखौ प्रदीपआ लिरदोंमोन। बेनि

आन्दोआवबो मोनसे गोथौ सल' दड' अदेबानि बै समाव भारत आरो चीननि गेजेराव दावहा सोलिदोंमोन आरो भारतीय सान्थ्रिफोरखौ थैनाय खौरां मोनबाय थादोंमोन। बे खौरांखौ खोनानानै हादतजों लोगोसे खन्थाइगिरि प्रदीपआबो जोबोद दुखुआव दंमोन। 1962 माइथायाव जेब्ला हादतआ दावहानिफ्राय उदां जादोंमोन, अब्ला बै समाव बियो मुम्बाइनि माहिमआव दैमानि सेराव दंमोन आरो गोसो सिं-सिं भारतीय सान्थ्रिफोरनि सायाव सानबाय थादोंमोन।

जायनि जाहोनाव बिनि गोसो सिडाव माबा सोदोब जाखांफैयो, बे सोदोबखौ लिरनो थाखाय बियो सोरनावबा कलम बियो आरो सिगारेटनि बिखबाव दें'खोनि सारिखौ जागायजेनो। फोरमायनाय बादिब्ला, दसे समनि उनाव खन्थाइगिरि प्रदीपआ दिल्लीनि मोनसे चेरिटि प्रग्रामनि थाखाय दें'खौ लिरनो बिथोन मोन्दोंमोन, जायनि जाहोनाव बियो सिगारेटनि बिखबआव लिरनानै दोन्नाय दें'खोखौ थियारि खालामनो रामचन्द्रजों सोमोन्दो लाखियो। □

रंगिला सावथुननि मिउजिक लन्च इभेन्टआव जया बच्चनआ दोहौ सोमजि होदोंमोन

जया बच्चनआ 1971 आव गावनि केरियारखौ जागायजेन्दोंमोन। बनि गिबि सावथुना 'गुडडी' मोन, जेराव बिखौ धर्मेन्द्रजों लोगोसेनो नुदोंमोन। बिसोरो जयै सावथुन मुलुगआव गोलाव सम खामानि मावबोदोंमोन आरो बांसिनानो जयाखौ सावथुनआव गुरै माहि आखुनि नुनो मोन्नाय जायो। बे समावनो फावखुंनि मोनसे भिडिअआ गोख्रै भाइरेल जादों, जेराव बेजों लोगोसे अमिताभ बच्चन, आमिर खान, रीनी दत्त,



उर्मिला मातोंडकर, शेकर कापुर बायदि मुंदांखा सेलेब्रिटिफोरखौ नुनो मोन्नाय जादों। नाथाय स्टारफोरा नुजाथिनायनि उनावबो, जायनि जाहोनाव बयनिखुइबो बांसिन गोसो बोनो हानाया बे जया बच्चनआनो। बे भिडिअयाव जया बच्चननि नोजोर होथाव आखुखौ नुनो मोन्नाय जादों, जाय गोबां सावराय जादों। बे भिडिअआ 1995 आव फैनाय रंगिला सावथुननि मिउजिक लन्चनिमोन। बे सावथुनाव आमिर खान आरो उर्मिला

मातोंडकरखौ गाहाइ फाव खालामनाय नुनो मोन्नाय जादों। भिडिअनि जागायनायावनो अमिताभ बच्चन आरो जया बच्चनआ लोगोसेयैनो नुजाथिफैयो। गुबुन फारसेथिं बिग बिया शुट-बुटआव एन्ट्रि खालामो, जेराव जयाआ गावनि समायना आखुजों बयखौबो सोमोनांहोयो। जया बच्चनआ गुफुर गाबनि ड्रेस गान्नानै प्रग्रामआव नुजाथि हैदोंमोन। बे समाव बियो जेबो हेबि ज्वेलरि गानाखैमोन आरो मेकआप खालामाखैमोन। बियो

सिम्पलयै नुजाथिहैदोंमोन आरो जया बच्चनआ खर'आव जोमग्रा खोबना लादों आरो गासै इभेन्ट जोबजासिम बियो जोमग्रा खोबना लाबाय थादों। भिडिअ जोबजासिमावबो जया बच्चन, उर्मिला मातोंडकरखौ लोगोसे नुदों आरो बे समावबो बियो खर'निफ्राय जोमग्राखौ बोखाराखै। उर्मिलानि सेराव जिरायनाय जया बच्चननि मोखाडव मिनिस्तु मिनिनायखौ नुनो मोन्नाय जादों, लोगोसेनो सोरनिबा गोसोखांथियाव बावगोमानाय नुनो मोन्दों। □

साउथनि फावखुंगुर उन्नी मुकुन्दनखौ जेंनायाव गोग्लैनाय नुनो मोन्दों

साउथनि फावखुंगुर उन्नी मुकुन्दखौ जेंनायाव गोग्लैनाय नुनो मोनगासिनो दड। बिथानि आगुनि मेनेजारआ बिथानि सायाव देहायारि आरो गात्रि आखु दिन्थियाननि दाय जाबसिन्दों। रिपर्टनि बायदिब्ला, बिथानि आगुनि मेनेजार भिपिन कुमारआ देहा फाहामसालियाव फाहामथाय लानायनि उनाव कचिा इम्फ' पार्क पुलिस थानायाव केस थिसन्दों। रिपर्टआव बुंनाय जादोंदि, इम्फ' पार्क पुलिस थानायाव केस थिसन्नाय बादिब्ला भिपिनआ दाबि दिखाडोदि, मुकुन्दनआ गावखौ बुदों आरो गावखौ गात्रि

राव बाहायदों। बियो सर्सनि फारसेनिफ्रायबो रोखा खालामदोंदि, पुलिसनि खाथियाव थांनायनि सिगां मेनेजारआ देहा फाहामसालियाव दुखु मोन्नायखौ फाहामथाय लादोंमोन। रिपर्टनि बादिब्ला, मोनसे डिटेल फिन्नाय लानाय जादों आरो मुकुन्दननि हेंथायै केस थिसन्दों। पुलिसआ बेखौबो बुंदोंदि, सानैनि गेजेराव थांनाय माखासे समनिफ्राय सोमोन्दोआ मोजां नडा। एशियानेटनि मोनसे रिपर्टआव बुंनाय जादोंदि, मेनेजारआ केस होनायाव दाय फोनांदोंदि, फेसबुकआव गुबुन फावखुंगुरनि




सावगारि पस्ट खालामनायाव बिखौ बुंदों। कचिआव बनि प्लेटआव बिखौ बुनाय जादों। मुकुन्दननि आइनआरि जेंनायाव गोग्लैनाया बेयो गिबि खेब नडा। 2018 आव सासे आइजोआ बिथानि सायाव जिनाहारि खालामनायनि दाय

जाबसिन्नानै केस थिसन्दोंमोन। केरेला गोजौ बिजिरसालिया 2023 आव बिथानि हेंथायै होनाय के सखौ नेवसिगारदोंमोन। उन्नीआ गावनि गासै केरियारआव माखासे तेलेगु आरो तामिल सावथुनफोरखौ नागराना बांसिन

मालायालम सावथुनफोराव खामानि मावदों। 2011 आव तामिल सावथुन सिदनजों गावनि डेब्युनि उनाव बिथाड सिदन और मल्लु सिंह बायदि मालायालम सावथुनफोराव खामानि मावदों। बे सोलिफु बोसोराव बिथाडा गेट-सेट बेबिआव खामानि मावदों आरो थाबैनो मिन्डियान परनजुमआव नुजाथिगोन। □

'डन' सावथुनखौ माखासे गेदेत फावखुंगुरफोरा बिफाव लानो नेवसिदोंमोन

बलिउडआव माखासे सावथुनफोर औरैबायदि जायो, जाय नायगिरिफोरनि सोगोखौ देरहानायजों लोगोसे सावथुननि जारिमिनाव माइल खुन्थिया जायो। बिब्दिनो मोनसे ब्लकबास्टर सावथुन दड, जायखौ माखासे टप फावखुंगुरफोरा नेवसिगारदोंमोन। साफ्रोमबो बेखौ मोनसे सरासनस्त्रा सल' सान्दोंमोन आरो लिरगिरिफोराबो बेनि सायाव सावथुन जानायनि मिर्जिंखौ नागराबायमोन। नाथाय सानसेखालि बे सावथुना गिदिं-गिदा अमिताभ बच्चननिसिम सौहैयो आरो बिथाड थाबैनो बेखौ खालामनो रजि जायो। बे सावथुना सुपारहित जानायजों लोगोसे गोदोनानै थानाय



प्रडिउसारखौ रिन जानायनिफ्राय बोखांदों। बे सावथुननि रिमेकखौ शाहरुख खानआ बानाय खांबाय आरो बेखौ जोबोद अन्सायनायबो जादोंमोन। बे बाश्त्राया 1970 माइथायनि जेब्ला प्रडिउसार नरिमन इरानीआ गोबां रंखांथि खरसा दाजाबदेरना होदोंमोन। बे समाव बेयो जोबोद गोबां

बिथानि 'जिन्दगी जिन्दगी' सावथुनआ बक्स अफिसआव गात्रि रोखोमै फलप जादोंमोन। बे सावथुनाव सुनिल दत्तआ गाहाइ फावआव दंमोन। बे जाफुंसारनो हायैआव नरिमन इरानीनि सायाव 12 लाख रंनि खरसा दाजाबदेरना होदोंमोन। बे समाव बेयो जोबोद गोबां

रंमोन। बे सल'आ सलिम-जाबेदनि लिरनाय 'डन' सावथुनमोन, जायखौ माखासे गेदेत स्टारफोरा गिबियावनो नेवसिगारदोंमोन। सलिम जाबेदआ बे स्क्रिप्टखौ जितेन्द्र, देब आनन्द आरो प्रकाश मेहरा बायदि मुंदांखा फावगिरिफोरनो दिन्थिदोंमोन, नाथाय रावबो बेनि सायाव खामानि मावनो लुबैनाय दिन्थियाखैमोन। साफ्रोमबो बे सल'खौ सरासनस्त्रा आरो गोब्राब मोन्दों। 'डन' सावथुना बक्स अफिसआव दोहौ सोमजिहोदोंमोन। □

बयखौबो गिखांहोनो हानाय हर सावथुनआ 1200 कौटि रं आरजिनो हादों



भारतआव हलिउड सावथुननि थाखाय 2025 माइथाया मोजां फोरमान जादों। सिगां अ माइनक्राफ्ट सावथुन, सिनर्स अफ मिशन इम्पसिबल आरो हरर सावथुन फाइनाल डेस्टिनेशनखौ मोजां रं आरजिनाय नुनो मोन्नाय जादों। नाथाय हरर सावथुनआ गिबि सप्ताहयावनो मोजां रं खामायनानै मुं आरजिनो हादोंमोन। बेयो मुलुगनाडैनो थामथि बयनिखुइबो बांसिन खामायनो हादोंमोन। जोबथारनायाव गुबुन सावथुनफोरखौ गोबां रं खामायनाय नुनो मोन्नाय जादों। जेक लिपस्कीनि बिथोन होनायाव बे हरर सावथुनआ फ्रेन्वाइजिनि 6थि खोन्दो। 16 मेआव रिलिज जानाय बे

सावथुनआ सुबुंफोरजों जोबोद अन्सायजादोंमोन। टिके ट बायगिरिफोरखौबो जोबोद अन्सायनाय नुनो मोन्नाय जादों। बे सावथुनआ हादतआरि आरो

हलिउडनि सावथुनफोराव एआइखौ सुबुंफोरनि सायाव गोहोम गोग्लैनाय नुनो मोन्दोंमोन

बयबो गोबां हलिउड सावथुनफोरव बेखौ नुदों जानांगो माबौरै खट एबा आर्टिफिसियल इन्टेलिजेन्स (एआइ) आ सुबुंफोरनि सायावनो गोहोम गोग्लैयो आरो बिसोरनि बाश्त्राफोरखौ मानिया। आथिखालाव बिब्दिनो मोनसे जाथाय सोराडव फैदों, जेराव नंगुबे जिउआव एआइआ सुबुंफोरनि बाश्त्राखौ मानिया आरो गावखौ शाट डाउन जानानै गनायना लाया। बे बाश्त्राखौ अपेन एआइनि टुल शाट जिपिटिनि गोदान आर्टिफिसियल इन्टेलिजेन्स मडेलआव नुनो मोन्दों। चेट्रिपिनि बेमडेलआ गावखौनो बन्द'खालामनायनि बिथोन होनायखौ डिस्सिगाई खालामनाय नुनो मोन्दों। दा टैलिग्राफिन मोनसे रिपर्टनि बादिब्ला, संदानगिरिफोर दाबि दिखाडोदि, अपेन एआइनि गेजेरजों बानायनाय O3 मडेलआ गावखौनो बन्द' जानायनिफ्राय होबथानो थाखाय अट्रैक्टिक शाटडाउन मेकेनिज्मखौनो ट्रिक् होदों। अदेबानि एआइआ मिबथिनो हादोंदि, गावखौ बन्द'खालामनो थाखाय बुंगासिनो



दड'आरो बियो बे कमान्डसखौ सेलेन्ज होनानै बन्द' जाहोनो होआखै। रिसार्च खालामग्रा एआइ'सखाथि फर्म पैलेसिडे रिसार्चआ बुडोदि, 'अपेन एआइनि O3 मडेलआ गावखौनो बन्द' जानायनिफ्राय होबथानो थाखाय शाटडाउन मेकेनिज्मखौनो बायपास खालामदों। संदानगिरिफोर बुडोदि, आन्जाद नायजानाय मडेलफोरनि गेजेराव गुगोलनि जैमिनि 2.5 प्रिभिउ, माखासे एन्थ्रपिक मडेल, एक्स ए आइनि ग्रक 3, लोगोसेनो अपेन एआइनि O2, O4-मिनी कडेक्स मिनीआ दंफयोमोन। □



जायहा गावनावनो रहस्यमयी गोनां बेग आरो रां दं आरो बयबो गामियारिफोरा हरखाबै नागेन बादि जानो सानो। केसेटु नागेनमुलटआ सासे गामियारि फेरला फाव खालामग्रा आरो सिद्धार्थ मुखार्जी, प्रणामी बरा, हिमांशु प्रशाद दास, अतनु महन्त, अनामिका सननिया आरो गुबुन सुबुंफोरा फाव खालामनायजों सावथुननि सानस्त्रिया आलादा महर मोनो। मानिजाथाव फावखुंगुर अतुल पचानीखौबो सावथुनाव फाव खालामनाय नुनो मोन्दों। □

पिभि सिन्धुआ सिंगापुर अपेनआव देरहानायजों जागायदों

गोदान दिल्ली, 27 मे: खेबनै अलिम्पिक मेडेल देरहानाय भारतनि आइजो बेडमिन्टन गेलेगिरि पिभि सिन्धुआ सिंगापुर अपेन सुपार 750 बेडमिन्टन टुर्नामेन्टआव देरहानायजों जागायबाय। बिथाडा कानाडनि भेन यु झाँखौ फेजेन्नानै नैथि राउन्डआव सौहैबाय। 31 मिनिटसिम सोलिनाय बे मेचआव भारतनि गेलेगिरिआ बेरेखा बादायारिखौ 21-14, 21-9 स्करआव फेजेन्दों। नाथाय सिन्धुआ सिगांफासँ आवगायनायाव गोब्राब सेलेन्जजों मोगा-मोगि



जानांनो हागौ। मानोना बे खेबआव टकिय अलिम्पिकनि गल्ड मेडेलिस्ट आरो सोलिफु समाव मुलुगनां रेंकिं 5 थि नम्बरआव थानाय चीननि यु फे इजों सेलेन्जआव ओंखारगोन। सिन्धुआ बेयाव

गुवाहाटी, 27 मे: दिगारु भिरंगनानि हान्जाआ सुबनसिरि सेम्पियनखौ फाइनलआव 38 रानजों फेजेन्नानै एसिए अमेन्स सेलेन्जार्स ट्रफी 2025 नि बिमुंखौ देरहाबाय। गुवाहाटी नोगोरमानि एसिए स्टेडियामनि एनेक्स ग्राउन्डआव खुंजानाय फाइनल बादायनायाव गिबिये बेटिं खालामनो थिरंथा लानाय दिगारुनि हान्जाआ 35.5 अभारआव 139 रानल' लादों। जेराव हान्जानिफ्राय अबन्तिका मुन्दाआ 92 बलआव 69 रान लादों। सुबनसिरिनि हान्जाआ बलिं आव गोखोडै



दिन्थिफुंदोंमोन। जेराव करबि भक्तआ 19 रानआव 2 उइकेट, फलरिना ताएआ 25 रानआव 2 उइकेट लादों। बेनि फिन्नायाव सुबनसिरि सेम्पियनआ 22 अभारआव 101 रानआवनो अलआउट जाहैदों। जायनि फारिआव हान्जानिफ्राय मनिका दासआ 22 बलआव 29 आरो शिबानी बिणइआ 23 बलआव

रानआव 2 उइकेट लानानै सुबनसिरिनि हान्जाखौ जेनायाव खोखलैदों। बे मेचआव दिगारुनि प्रियंका कलिताआ प्लेयार अफ दा मेच बान्थानि थाखाय सायख'जादों। जेराव प्रियंका बरुवाआ सुबनसिरिनिफ्राय प्लेयार अफ दा टुर्नामेन्ट, बिथाडानो बेस्ट बलार अफ दा टुर्नामेन्टनि थाखाय सायख'जादों। बे फारिआव दिगारुनि अबन्तिका मुन्दाआ बेस्ट बेटार अफ दा टुर्नामेन्ट बिमुंनि थाखाय सायख'जानो हादों।

बारग' सेम्पियन अल्कारेज आरो स्विघातेकआ फ्रेन्स अपेनआव देरहानायजों जागायदों

पेरिस, 27 मे: स्पेनि बारग' सेम्पियन कार्लस अल्कारेज आरो पलेन्डनि इगा स्विघातेकआ बोसोरनि नैथि ग्रेन्डस्लेम फ्रेन्स अपेन टैनिस्आव देरहानायजों जागायदों। गोजा हांनि कर्टआव गेलेनाय बे टुर्नामेन्टआव खेबनै रानासँआप जानाय नर्वेनि केसफार रुडआबो नैथि राउन्डआव सौहैबाय। खेबनै ग्रेन्डस्लेम देरहानाय नैथि रेंकिनि अल्कारेजआ इटालीनि क्वालिफायर जुलिय जेपिपरिखौ 5-3, 6-4, 6-2 स्करआव फेजेन्दों। रुडआ स्पेनि भाल्बर्ट रामसखौ 6-3, 6-4, 6-2 स्करआव फेजेन्दों। स्विघातेकआ आइजो सिंगेल्सआव स्लभाकियानि स्लामकभाखौ थोंजों सेटआव 6-3, 6-3 स्करआव फेजेन्नानै आवगायदों।



लान्थ्रियै खेबथाम फ्रेन्स अपेनआव देरहानाय स्विघातेकआ बे खेबआवबो बिमुं देरहायोब्ला 1968 निफ्राय जागायनाय अपेन राउन्डनि उनाव बेबादियै खेबनै देरहानाय गेलेगिरि जागोन। इगाआ फ्रेन्स अपेनआव थांनाय खेब 22 मेचनिफ्रायनो देरहाबोगासिनो दड। जेराव बेबादि समाव बिथांखौ बिमुं देरहागोननि दाबि दैखांदों। बिथाडा उननि राउन्डआव बारग' इउएस अपेननि सेम्पियन इलेन्डनि एमा राडुकानुजों बादायगोन। जेराव गिबि राउन्डआव बिथाडा

सात्विक-सिरागनि जराआ सिंगापुर अपेनआव गावसोरनि मोजां फर्मखौ लाबोनो नाजागोन

गोदान दिल्ली, 27 मे: भारतनि सात्विक साइराज रेन्किरेड्डु आरो सिराग शेंतिनि जराआ फिटनेस जेनानिफ्राय रेहाय मोन्नायनि उनाव मंगलबारनिफ्राय जागायनाय सिंगापुर अपेन सुपार 750 बेडमिन्टन टुर्नामेन्टआव स्टारफोरजों बुंफबनाय भारतनि हान्जाखौ दैदेन्नो आगान सुरदों। बे टुर्नामेन्टनि सिंगेल केटेगरिआव एड्सएस प्रनय, लक्ष्य सेन आरो खेबनै अलिम्पिक मेडेलिस्ट पिभि सिन्धुआबो सेलेन्जआव ओंखारदों। बारग' नम्बर 1 सात्विक-सिरागनि जराआ थांनाय मार्च दानआव अलइलेन्ड सेम्पियनसिपआव सेलेन्ज होदोंब्लाबो सिरागआ आथिडव जोखोमनि थाखाय नैथि राउन्डनिफ्रायनो जायखारदों। बेनि अनगायै सात्विकनि देहायारि जेनानि थाखायबो जराआ सुधिरमान कापनिफ्राय जानगारआव थांनांदोंमोन। मख'नाय जायोदि, सोलिफु



बोसोरनि जागायनायाव मालएसिया अपेन आरो इन्डिया अपेन नि सेमिफाइनलाव सौहैनाय बिसोर सानैनि जराआ मालएसियानि सुं हन जियान आरो मुहम्मद हाइकेलनि हेंथायै गावसोरनि अभियानखौ जागायनो थियारि जादों। थांनाय सप्ताहआव मालएसिया मास्टर्सनि फाइनलाव सौहैनाय किदाम्बि श्रीकान्तआ नाथाय टुर्नामेन्टआव बाहागो लानाय नडा। 2023 वर्ल्ड सेम्पियनसिपनि ब्रन्ज मेडेलिस्ट प्रनयआ डेनमार्कनि रासमज गेम्के जों सेलेन्जआव ओंखारजेनगोन। आइजो


गुवाहाटी, 27 मे: 6 थि हौवाफोर आरो आइजोफोरनि नर्थ-इस्ट जनेल ब्लाइन्ड फुटबल सेम्पियनसिप 2025 खौ खुंफुनो थाखाय गोलाव समनिफ्रायनो गुवाहाटी नोगोरमानि सरसजाइ स्पर्टस कमप्लेक्सखौ थियारि खालामबोनाय जादोंमोन। जेराव बे सेम्पियनसिपआ नोगोरमानि बे स्टेडियामआवनो समबारनिफ्राय जागायबाय। बे टुर्नामेन्टखौ इयं इन्डियान्स गुवाहाटी चेप्टर आरो इन्डियान ब्लाइन्ड फुटबल फेडरेशनआ जुथायै बान्जायदों। जेराव टुर्नामेन्टनि गेजेरजों बान्जायग्रा आफादआ सा-सान्जा रइज्यो फारियै आसाम, मिजराग नागालेन्ड, मेघालय आरो उरिष्यानि नुनायआव लोरबांथि थागोननि रेंगथि गोनां गेलेगिरिफोर जुथायै सेलेन्ज होपैदों। बे टुर्नामेन्टखौ रइज्योआव ब्लाइन्ड फुटबलखौ जौगाहोनायजों लोगोसे बे रोखोमनि फुटबलखौ गोसारहोनायनि थंखिजों खुंफुनाय जादों। जेराव टुर्नामेन्टआ 28 मेखालि जोबहैगोन।



एसियान सेम्पियनसिपआव अनु आरो गुलभीरनिफ्राय मेडेलनि मिजिंथि लादों

गोदान दिल्ली, 27 मे: मुंदाकां जेभलिन खुब्रैग्रा निरज चप्रानि बाहागो गैयैआव सा 59 सोद्रोमनि भारतनि हान्जाया मंगलबारनिफ्राय जागायनाय 26 थि एसियान एथलेटिक्स सेम्पियनसिपआव गावसोरनि ट्रेक गेलेगिरिफोरनि गोहोजों आवगायनो नाजादों। जेराव

भारतनि हान्जायाव गोबां गेलेगिरिआनो निरजनि आंखालथिखौ सुफुनो थियारि जादों। बेंककआव खुंजानाय थांनाय सिजनआव भारतआ जुथायै साबसिनै दिन्थिफुनाय रेकर्डआव गं 6 सना, गं 12 सिलभार आरो गं 9 ब्रन्जजों गं 27 मेडेल लाबोदोंमोन। जाउनाव भारतआ बे खेबआव



थांनाय खेबजों समान साबसिन दिन्थिफुनो थाखाय थाखोसिम एबा बेनिखुइ हान्थिदों। निरजआ बे इभेन्टखौ नागरनानै डाइमन्ड लीग सिरिजआव गोखोडै दिन्थिफुनो थिरंथा लादों। बिथांनि जायखारनायाव पाकिस्ताननि अलिम्पिक सेम्पियन अशर्द नदीमआ हौवाफोरनि जेभलिन खुबैनायाव टप गेलेगिरि महरै बाहागो लागोन। भारतनि सेलेन्जनि कामानखौ जेभलिन खुबैनायाव अनु रानिआ सामलायगोन। जेराव 2023 आव बेंककआव जालांनाय कन्तिनेन्टल मीटनि समाव बिथाडा ब्रैथि मासिआव थादोंमोन।

एसियान गेम्सनि सेम्पियन अनुआ मुम्बाइआव थांनाय मार्च दानआव 58.82 मिटार जान्थाय खुबैदोंमोन। जेराव बे जान्थाया बिथांनि साबसिनै दिन्थिफुनायनि गाहायाव थानायमोन। मानोना बिथांनि साबसिन आरो नेसनेल रेकर्डआ 63.82 मिटार जान्थाय जानानै दड। हौवाफोरनि 20 कि:मि: रेसवाकआव 25 बोसोरनि सेरभिन सेभास्टियान आरो 21 बोसोरनि अमितआ भारतनि सेलेन्जखौ लाखिगोन। 26 बोसोरनि गुलभीरआ 10 रोजा मिटार रेसआव हादरनि जानानै बाहागो लागोन। 400 मिटार रेसआव आइजो केटेगरिआव रुपल चौधुरि, बिद्या रामराज आरो हौवाफोरनि केटेगरिआव जय कुमारनि अनगायै भिशाल तिके आ सेलेन्जआव ओंखारगोन।

आन्डार-19 फुटबल ट्रायलआ गुवाहाटीआव जागायबाय

गुवाहाटी, 27 मे: 70 थि भारत रत्न लकप्रीय गपिनाथ बरदलै फुटबल टुर्नामेन्टनि समाव गासै आसामनिफ्राय नागिरनानै मोन्नाय सा 72 आन्डार-19 फुटबल गेलेगिरिफोरा सोलिफु समाव गुवाहाटीनि साइ गेलेग्रा फोथारआव मोनसे ट्रायलआव बाहागो जानानै दड। समबारनिफ्राय जागायनाय बे ट्रायलखौ भारतनि बारग' केपेन आरो एएफसि प्र: लाइसेन्स गोनां रेनेदि सिंहजों लोगोसे मलं एआव आरो बाहारल इस्लाम आरो माखासे रेंगथि गोनां कचफोरनि मोनसे हान्जाआ नोजोर लाखिदों। फैगौ सप्ताहआव रेंगथि गोनां लाइमोन गेलेगिरिफोरनि गेजेराव सा 17 गेलेगिरिफोरखौ स्पेननि मार्बेला एफसिआव मोनसे जर'खा फोरेंथाय जथुमनि थाखाय सायख'नाय जागोन। बे ट्रायलनि हाबाफारिआव

